

光緒山西通志

古蹟考七

考四之七

山西通志弟五

賜進士出身頭品頂戴都察院右副都御史巡撫山西提督軍務張煦奉旨監修

祠宇 陵墓

唐虞五府以祀五帝在臨汾縣

通典唐虞祀五帝於五府 尙書帝命驗帝者承天立五府以尊天象蒼曰靈府赤曰文祖黃曰神計白曰顯紀黑曰元矩注唐虞之天府夏世室同矣

後魏郊天壇在大同縣

水經注平城西郭外有郊天壇壇之東側有郊天碑建興四年立

舊通志郊壇太祖天興元年立壇兆告祭天地二年正

月甲子初祀上帝於南郊三年正月癸亥瘞地於北郊
五精帝壇泰常三年爲五精帝兆於四郊遠近依五
行數各爲方壇四陞埽壇三重通四門又六宗靈星風
伯雨師司命司
祿先農之壇皆有別兆
並泰常三年制見禮志 西郊方壇天賜二年四月復
祀天於西郊爲方壇爲二陞土階無等周垣四門門各
依方色爲名

謹案魏志延興二年有司奏天地五郊社稷以下及
諸神合一千七十五所舊志所引郊壇悉延興以前
制也太和中則南北郊易爲圓丘方澤東郊以朝日
西郊以夕月遷洛以後圓邱移置於委粟山舊都壇
址惟西郊方壇尙存故道元引及魏志延興二年六
月以西郊舊事歲
增本主初革前儀置主七立碑於郊所卽
鄭氏所云延興四年碑也今本作建興誤

皇天神祠在定襄縣清天神風神各祠在忻州

魏書地形志定襄有皇天神秀容有風神肆盧有清天神風伯雨師祠在太原縣

太平記隋圖經云二祠晉劉琨所立

分雲神祠在安邑縣西南

太平記在縣西南四十里中條之陰特標諸峯山嶺出雲東西分散遂號分雲又有風谷每風出吹沙飛石樹木皆摧俗謂之鹽南風其祠見存

汾隍后土祠在榮河縣北

水經注河水東際汾陰隍魏土地記河東郡北八十里有汾陰城北去汾水三里城西北隅曰隍邱上有后土祠封禪書曰元鼎四年始立后土祠於汾陰隍邱是也 元和

志蒲州寶鼎縣后土祠在縣西北一十一里

舊通志軒轅氏祀地祇掃地爲壇於隍上 漢文帝十六年詔更以明年爲元年治汾陰廟武帝元狩二年立后土祠於汾陰隍上上親望拜如上帝禮元鼎三年冬十月自夏陽東幸汾陰十一月甲子立后土祠於汾陰隍上四年六月得大鼎乃以禮迎至甘泉薦之郊廟羣臣皆賀作寶鼎之歌冬十一月上親祠后土元封二年祠后土四年三月祠后土又四年冬十月幸代還幸河東春三月祠后土六年三月行幸河東祠后土太初元年十二月祠后土二年三月幸河東祠后土天漢元年三月幸河東祠后土宣帝神爵元年三月幸河東萬歲宮祠后土五鳳三年三月幸河東祠后土甘露二年三

月幸河東祠后土元帝初元四年幸河東祠后土永光五年幸河東祠后土建昭二年幸河東祠后土成帝初卽位丞相匡衡御史大夫張譚等奏請罷雍時甘泉汾陰后土祠於長安立南北郊從之建始元年罷汾陰祠二年三月始祠后土於北郊永始三年冬十月復汾陰祠初帝用匡衡議罷甘泉泰畤其曰大風壞甘泉行宮折拔時中樹木十圍以上百餘帝異之以問劉向對曰家人尙不欲絕種祠況於國之神寶舊時且其始立皆有神祇感應誠未易動白太后詔有司復甘泉泰畤汾陰后土如故四年春正月帝如河東祠后土元延二年三月行幸河東祠后土四年三月行幸河東祠后土綏和二年三月行幸河東祠后土丙戌太后詔罷泰畤汾

陰祠復南北郊哀帝建平三年冬十一月復秦時汾陰祠遣有司行事罷南北郊世祖建武十八年三月帝如河東祠后土 地形志秦州北鄉郡汾陰縣有后土祠

唐開元十一年二月祭后土於汾陰十二年冬十一月二十二日祠后土於汾陰肅上二十年祠后土又二十年冬十一月二十一日祠后土於汾陰 宋開寶九年徙廟稍南始遣使致祭眞宗景德四年正月以朝陵遣工部尙書王化基詣汾陰后土祠致祭用大祀禮五年二月次西京遣告汾陰廟大中祥符四年春二月帝祭后土於汾陰三月駐蹕西京詔肅上后土祠宜上額爲太甯正殿又志云祠爲歷代勅修規模宏敞爲海內護服制汾隍日陷迄壬辰胥淪沒焉

後魏地壇大社在大同縣嶽瀆廟在山陰縣

魏書禮志天興二年瘞地壇兆制同南郊明年正月癸亥瘞地於北郊五岳名山於中壇內四瀆大川於外壇內其後夏至祭地於方澤又置大社與大稷帝社於宗廟之右爲方壇四陛又泰常三年立五嶽四瀆廟於桑乾水之陰春秋遣有司祭 帝紀太和十五年十二月遷社於內城之西

霍山廟在趙城縣亦曰太岳山祠在靈石縣又有觀阜祠亦名觀堆在霍州

水經注霍太山有岳廟廟甚靈烏雀不棲其林猛虎常守其庭又有靈泉以供祭祀鼓動則泉流聲絕則水竭又觀阜故百邑也原過之從襄子也受竹書於王澤以告襄子

齋三日親自剖竹有朱書曰余霍太山陽侯天使也三月
丙戌余將使汝反滅智氏汝亦立我於百邑襄子拜受三
神之命遂滅智氏祠三神於百邑使原過主之世謂其處
爲觀阜也 元和志晉州趙城縣霍山廟在縣東南三十
里霍山上貞觀五年勅令修理 太平記觀堆祠在霍邑
縣東南三十里堆高二丈周迴十里又汾州靈石縣嶽廟
冀州圖云縣上有嶽廟甚靈烏鵲不棲其林猛獸常守其
庭郡國志嶽廟下有靈泉卽五龍水也以供祭祀鼓動卽
泉流聲絕卽水竭又靜巖山縣東北二十里卽太岳也下
有五龍泉案魏書地形志介休有太岳山祠卽此嶽祠靈石本隋時分介休縣地所置也據記則廟在今縣東北二十里記所言五龍泉乃今小水河與趙城祠各別而所引郡國志冀州圖以水經注證之殊涉附會矣

首山祠在永濟縣南方山祠在虞鄉縣南

漢書地理志蒲坂有首山祠 水經注河水南逕雷首山
西山臨大河北去蒲坂三十里 汲冢瑱語晉平公至滄
上見人乘白驂八駟以來有狸身而狐尾去其車而墜公
之車公問師曠師曠曰狸身而狐尾其名曰首陽之神飲
酒於霍太山而歸其逢君於滄乎君其有喜 太平記蒲
州虞鄉縣方山祠在縣西二十里

姑射神祠龍子祠在臨汾縣西

太平記晉州臨汾縣姑射神祠在縣北十三里姑射山東
唐武德元年勅置龍子祠在姑射山東平水之源其地茂

林蓊鬱俯枕清流實晉州之勝境也

記云晉永嘉之亂劉元海僭稱漢於此置

都築平陽城晝夜與作不久即崩募能滅者賞之先有韓
媼者於野田見巨卵傍有嬰兒收養之字曰顓兒時已四
歲問元海築城不就乃白媼口我能成之母其應募媼從
之媼兒乃變爲蛇令媼持灰隨後遺誌焉謂媼曰憑灰築

城可立矣。竟如所言。元海問其故。據兒遷化。為蛇投入山穴。露尾數寸。使者斬之。仍掘其穴。忽有泉出。激溜奔注。與晉水合。東流入於汾。至今近泉出。蛇皆以為靈異。因立祠焉。

石槽祠在吉州

太平記慈州文城縣孟門山俗名石槽在縣西三十六里

石槽祠在縣西臨河東岸即龍門也

案今名龍王延即古壺口也

五音山神鹿臺山神在襄垣縣

地形志襄垣有五音山神建義有鹿臺山及祠

謹案舊志縣北二十里五陰山有周公廟明一統志相傳周公至此陰霧五日所云五陰蓋即魏書之五音其周公事則因作宮五行山而影附為說者鹿臺山志云在縣南五十里

三臺廟在武鄉縣北象山祠在平定州東石姥祠在壽陽縣

地形志鄉縣有三臺嶺樂平有象山祠 太平記遼州遼

山縣三臺廟後魏書云武鄉有三臺嶺

案此則其地當在今武鄉遼州界北

魏時則屬鄉壽陽縣石姥祠郡國志石形似姥今有祠焉

縣爲榆社地金山索山鷄頭山各神祠在忻州聖阜祠五石神祠在定襄

縣

地形志秀容郡秀容有金山神永安郡定襄有聖人神五

石神平寇有鷄頭山神祠蒲子有索山神 太平記聖人

阜水經注汾水東流經聖人阜阜下有泉泉側石有十

二手迹其西復有二腳迹甚大莫窮所自來

龍淵神亞澤神河神摩笄山神祠在代州石鼓山神大頽石

神在崞縣

地形志雁門郡原平有龍淵神亞澤神秀容有石鼓山神

石城有大額石神 元和志河神祠在雁門縣南開元九年并州刺史張說奏置

代州志龍淵卽水經注之龍泉也在州西北二十五里

寰宇記引水經注龍泉出雁門西 亞澤神疑以祀滹沱

平地志以爲卽今州之龍躍泉 者秦詛楚文要册告亞駝亞讀爲惡爲滹沱之同聲字

猶戴記之惡池也摩笄山神祠河東記李存古爲衙將

擯於雁門郡雁門有摩笄山神存古常禱其廟願得生

還

崞縣志天涯山縣東南四十五里巖際有石形似鼓建

石鼓神祠 案北史爾朱光傳高歡破紇豆陵步蕃於石鼓山是石鼓其本名也

火井祠在大同縣天池祠在甯武縣車輪泉神亞角神亦在

甯武或云朔平地也拂雲堆祠在薩拉齊廳界

太平記雲中縣火山在縣西五里水經注西溪水導源火山山上有火井南北六七十步廣減尺許深不見底炎熱上升常若微雷發響以草爨之則煙騰火發其山以火從地中出亦名熒臺井東有火井祠以時祭祀案地在左靜雲縣界樂縣天池俗名祁連池在縣東北一百四十里周迴八里水經注云桑乾水潛通太原汾陽北燕京山之天池池在燕京山上陽旱不耗陰霖不溢常有人乘車大風飄之於水有人獲其輪於桑乾泉其水澄渟鏡靜潭而不流若安定朝那之湫淵池中常無片草或風薄淪水輒有翠色小鳥投池銜出若會稽之松鳥也今池側有祠謂之天池祠也案池在甯武府西四十里三受降城唐神龍三年張仁愿所置先是朔方軍北與突厥以河爲界河北岸有拂雲堆祠突厥將

入寇必先禱祀祈福牧馬料兵而後渡河仁愿於河北築此三城以拂雲祠爲中城與東西兩城相去各四百餘里遙相應接案記又云東受降城在勝州榆林縣東北八里拂雲堆在縣北一百七十里較其地望則東中二城相去不過二百里不得有四百餘里之遠蓋東城徙綏遠城非復仁愿舊城矣今薩拉齊廳爲唐勝州北境其地拂雲堆當在旗廳界

謹案地形志秀容郡敷城有車輪泉神亞角神敷城在崞縣西爲今甯武而此二地今無可徵考敷城太武先置郡其地頗廣爲當時之北秀容有今朔甯界據水經注桑乾水出陰館縣西北上平洪源七輪謂之桑乾泉者老云其水潛通燕京山之天池又寰宇記雁門龍泉下亦引水經注云龍泉出雁門西平地其大三輪泉源湧沸騰波奮發以巨石投之水輒噴

出亦云通燕京山之池也

今本水經注無此文當在所佚五卷內

所言

七輪三輪當是今馬邑之洪濤泉車輪或其別名亦
卽桑乾獲輪之說所緣起也方輿紀要明大同鎮邊
牆起鴉角山鴉角山亦作丫角蓋山形之歧出者其
本字正當作亞集韻亞一音鴉趙古則曰物之歧者
曰亞俗作丫極今山在偏關平魯界以魏志證之其
名已古

鉅靈祠在榮河縣又有軒轅壇

路史循蜚紀鉅靈氏之在天下也握大象持化權乘太極
而蹠瀨淑立乎其間行乎無窮揣九變化而與物相弊鏤
遁甲開山圖鉅靈與元氣齊生爲九眞元母出於汾隄九域志鉅靈祠在河
中府

舊通志軒轅壇在后土祠相傳軒轅氏掃地祭后土於

汾睢之上明兵部尚書王襄毅公崇古詩云峻宇壓汾淵軒轅掃地壇

謹案水經注汾水南有長阜背汾帶河長四五里廣

二里餘高十五丈汾水厯其陰西入河漢書謂之汾

陰睢廣韻曰鉅靈出於汾睢九域志曰鉅靈祠河中

府也卽羅莘注亦曰其地隆起若尻睢然今慶成軍

是今本譌作慶成軍者宋史云大中祥符中以滎河

爲慶成軍卽縣治置軍使是也金史稱解州爲宋之

慶成軍固屬考之不審而路史注又以華陰縣北百

二里有鉅靈廟疑鉅靈之不在滎河者皆誤也若薛

綜注西京賦以鉅靈爲河神而水經注以爲所引者

左邱明國語擘太華而爲兩今國語固無此文而薛

敬文本注亦未嘗稱國語蓋酈氏誤記耳

又案說文鄧字注以爲臨汾地漢祭后土處水經注云故漢氏之方澤也賈逵云漢法三年祭地汾陰方澤澤中有方邱故謂之方澤卽鄧邱也據舊志則不始於漢代矣惟諸家皆稱爲臨汾縣地臨汾在今太平而水經注在皮氏下則汾陰而非臨汾也況方澤卽今后土祠實在滎河確爲汾陰故地乎又武帝紀曰始立后土祠汾陰雕上小顏注曰以形高起如人尻雕也一說地本名鄧音葵彼鄉人呼如誰轉爲雕耳故漢舊儀云葵上可見雕上卽鄧上本一地酈善長注作二處誤也至軒轅之壇雖無考而漢武之后土祠何爲忽立此處意必有所本矣

五龍祠在長治縣

太平記上黨縣五龍山在縣東南二十里十六國春秋云

上黨五龍山慕容時有五龍見於此山因置五龍祠以祭

五方神

路史五龍紀兄弟五人並乘龍上下
治五方司五行布山岳繼人皇御世

祝融祠在遼州

太平記遼山縣祝融祠在縣北二里

祝融城見國都

炎帝廟在高平縣

太平記在縣北三十五里羊頭山

又卽長子縣神農廟詳見城邑下

堯廟在臨汾縣其長子榆社沁州並有古祠

水經注汾水又南逕平陽縣故城東水側有堯廟魏土地

記曰平陽城東十里汾水東原上有小臺上有堯神屋碑

又濁漳水注堯水自西山東北流逕堯廟北又逕長子縣

故城內 地形志鄉郡鄉縣方山上有堯廟上黨郡銅鞮有堯祠

舜廟在永濟縣又有二妃壇

水經注蒲坂皇甫謐曰舜所都也今城中有舜廟又郡內有厯山謂之厯觀舜所耕處也有舜井媯汭二水出焉南曰媯水北曰汭水西逕厯山下山上有舜廟 永初山川記蒲坂城中有舜宅城外有二妃壇 元和志蒲州河東縣舜祠在州理舜城中貞觀十一年詔以時儷婦

禹廟在夏縣其太原鄉甯河津絳縣並有古祠

太平記夏禹臺在夏縣西北十五里俗謂之青臺上有禹祠又平晉縣夏禹祠郡國志云禹初受禪平陽後遷安邑都晉陽故城北有祠存又倚梯故城在鄉甯縣西南一百

五里以城在高嶺非倚梯不得上因以爲名城中有禹廟
又龍門縣大禹祠在縣西二十五里魏土地記曰梁山北
有龍門山上有禹廟隋摧毀唐貞觀五年奉勅更令修理
又絳縣禹廟夏禹之廟

稷祠在稷山縣

元和志在縣南五十里稷山上

臺駘神祠在曲沃縣

元和志在縣西南三十六里左傳晉侯有疾卜臺駘爲祟
問於子產子產曰昔金天氏有裔子曰昧爲元冥師生允
格臺駘能業其官帝用嘉之封諸汾川今晉主汾而滅之
由是觀之則臺駘汾神也

五老祠在虞鄉縣

水經注昔帝堯修壇河洛擇良議沈率舜等升於首山而
遵河渚有五老遊焉 元和志虞鄉縣五老仙人祠在縣
西十七里

關龍逢祠在黎城縣

地形志屯留縣大王山上有關龍逢祠 太平記潞城縣

關龍逢祠上黨記云王屋山有關龍逢祠

案王屋山不在潞城縣

之說舊志王至山在黎城縣西三十里陟嶺望見百里西
北接武鄉西南接襄垣當在其地黎潞本一縣所分潞之
西境又界屯留故在元魏時屬屯

留地大王山或其本名非二祠也

巫咸祠在夏縣

元和志在縣東五里巫咸山下卽商臣也

傅說祠在平陸縣

元和志在縣東北二十里尙書高宗夢傅說使百工營求

諸野得諸傳巖水經注云沙澗水北出虞山東南逕傳巖
今穴名隱窟卽水西懸崖去水一丈立祠焉咸亨二年詔
修傳說祠以少牢致祭

比干廟在永甯州

九域志石州有比干山比干祠禱驗

伯夷叔齊祠在永濟縣

水經注涑水出河北縣雷首山

注涑水亦曰雷水

縣北與蒲坂分

山有夷齊廟閭駟十三州志曰山一名獨頭山夷齊所隱

也 太平記祠在河東縣南三十五里

武王祠在潞城縣

元和志武王塢在縣西北四十里塢東有後魏爾朱榮碑
曰建義元年東討葛榮軍次上黨武王祠

太公祠芮王廟並在芮城縣

太平記在縣東南呂坡二十五里後秦宏始十六年隴西太守呂憑創基立廟又芮王廟在縣西二十里古芮城周芮司徒封於芮爲附庸之國也梁開平初威夢於天庭再立祠廟

唐叔虞祠卽晉祠也在太原縣

元和志晉陽縣晉祠一名王祠

案地形志晉陽有晉王祠周唐叔虞祠

也在縣西南十二里水經注曰昔智伯遏晉水以灌晉陽其川上溯後人蓄以爲沼沼西際山枕水有唐叔虞祠水側有涼堂結飛梁於水上晉川之中最爲勝處序行記曰高洋天保中大起樓觀穿築池塘自洋以下皆遊集焉至今爲北都之勝

造父廟在趙城縣

宋史政和三年賜趙城縣造父廟爲慶祚廟

晉文公廟在蒲縣

太平記在縣西南唐武德三年置

潞子祠在黎城縣

地形志刈陵有潞子祠

舊通志在縣東南十五里潞祠山祀潞子嬰兒

介子推祠在介休縣一在萬泉又太原定襄古亦有祠

水經注石桐水卽縣水也出介休縣之縣山北流逕石桐寺西卽介子推之祠也昔子推逃晉文公之賞而隱於縣上之山也晉文公求之不得乃封縣爲子推田曰以志吾過且旌善人因名斯山爲介山故袁山松郡國志曰介休

縣有介山縣上聚子推廟太平記介休縣在介山西介山在靈石縣東北四十二里又

汾水西過皮氏縣南注介山高可十餘里山上有神廟廟

側有靈泉社祭之日周而不耗世亦謂之子推祠揚雄河

東賦曰靈輿安步周流容與以覽於介山嗟文公而愍推

兮勤大禹於龍門晉太康及地道記與永初記並言子推

所逃隱於是山太平記介山一名孤山在萬泉縣南一里又汾水西逕晉陽城

南舊有介子推祠太平記祠在平晉縣東南五里地形志定襄有介君神

介君疑即子推

先軫廟在遼州師曠廟在洪洞縣趙簡子廟在趙城縣

太平記遼山縣晉大夫先軫廟在縣南二里洪洞縣師曠

祠在縣東南二十五里趙城縣趙簡子廟在縣城內

祚德三侯廟在太平縣

舊通志縣南二十五里古晉城北門外宋建隆初詔恤
前代功臣烈士於是晉程嬰公孫杵臼置守冢三戶元
豐四年邵武承議郎吳處厚上言臣嘗讀史記考趙氏
興本末當屠岸賈之難程嬰公孫杵臼盡死以全趙孤
宋有天下二人忠義未見褒表宜訪其墓域特爲建祠
帝覽其疏矍然時鄆王疾亟卽以處厚爲將作丞訪得
兩墓於絳封侯立廟嬰封成信侯杵臼封忠智侯立祠
墓側載之祠典 敕碑云中書門下牒程嬰公孫杵臼
牒奉敕趙氏之先始大於晉下宮之難程嬰公孫杵臼
以死脫孤兒復存趙宗忠義著焉白昔有功於世者罔
不廟食况國家胃緒之所出嬰杵臼有立孤續絕之德
而常祀不載良爲闕典朕命使者訪其塋墓得之於絳

宜卽建祠疏封侯爵威靈如在永食厥土程嬰宜特封
成信侯公孫杵臼宜特封忠智侯牒準敕故牒元豐四
年七月牒 元符三年臣僚言按史記韓厥之功不在
程嬰杵臼之下請於祚德廟設位從祀從之崇甯三年
詔封厥義成侯 寶慶二年十一月詔修祚德廟又西
北六里程公村有程嬰墓縣西北十里三公村有杵臼
墓各有祠

孔子廟後魏所建一在大同府一在澤州府

魏書帝紀太和十三年七月立孔子廟於京師十六年二
月改諡宣尼曰文聖尼文禮志帝齋中書省親拜祭於廟
水經注邗水東南逕孔子廟東廟東有碑太和元年孔靈
度等立碑云魯公孔氏官於洛陽因居廟下以奉蒸嘗蓋

孔氏遷山下追思聖祖故立廟存饗耳

案今澤州南六十里彌車鎮相傳爲

孔子回轅處舊有廟祀方志多引臆注爲微然邗水自在河內不經澤境也

程公祠在聞喜縣

太平記曲沃縣程公祠在縣界郡國志龍頭城有程公祠
卽晉賢士程子華與孔子相逢傾蓋接轡與語孔子以束
帛贈之死葬於此而冢存

卜子祠在汾陽縣

元和志汾州西河縣卜商祠在縣北四十里

趙襄子祠在太原縣原過祠智伯祠並在榆次縣

元和志榆次縣原過祠俗名原公祠在縣東九里史記曰

智伯率韓魏攻趙趙襄子懼乃奔保晉陽原過從後至於

王澤見三人自帶以上可見與原過竹三節云云

文見前霍山廟

下襄子既滅智氏遂祠三神於百邑使原過主之又麗臺
山祠俗名智伯祠在麗臺山上見聞錄晉陽城南有趙
襄子祠潞王從珂與石敬瑭嘗同入廟中神像屹然起立
趙武靈王祠在定襄縣

地形志永安郡定襄有祠

天子廟在平陸縣

漢書地理志河東郡大陽有天子廟

代王神祠在五臺縣

地形志永安郡驢夷有代王神祠

案五臺縣志治南
十里有漢文帝祠

陳平廟在芮城縣

太平記芮城縣陳平祠在縣東北二里平八世孫漢魏郡
太守陳康於此分居乃立祖廟令宗族祭祀又陳平北廟

在縣北一十五里碑文云二十六世孫陳處厚以唐武德四年自南遷此

霍將軍祠在臨汾縣

太平記晉州臨汾縣霍將軍祠在縣西南天寶七年勅置郎山君祠在永濟縣

太平記蒲州永樂縣郎山隋圖經云永樂郎山漢武戾太子以巫蠱事出奔其子遁於此因名郎山君祠下有郎山君之次子觸峯將軍廟

蘇武廟在薩拉齊廳

方輿記要在廢雲內州北明正統末也先挾上皇至小黃河蘇武廟卽此

五戶將軍祠在平陸縣

水經注五戶灘名也有神祠通謂之五戶將軍亦不知所
以也

司馬子政廟在汾陽縣

水經注魏黃初二年分太原復置西河郡晉徙封陳王斌
於西河故縣有西河繆王司馬子政廟

魏道武帝廟在大同縣一在臨汾縣

魏志永興四年立太祖廟於白登山

志又云後二年於白
登山太祖舊遊之處

立昭成廟泰常四年八月帝嘗於白登廟將薦熟有神異

焉又世祖太延元年有白雉三隻集於平陽太祖之廟

魏雲中太室在和林格爾托克托兩廳界

魏志太宗於雲中盛樂金陵三所各立太廟四時祠官侍
祀帝紀永興五年自雲中太室西南巡諸部落泰常五

年七月幸雲中太室

魏孝文帝廟在大同縣

唐會要開元二十一年雲州置孝文帝祠堂有司以時祭
享州有魏故明堂遺迹卽於其上立廟

唐高祖廟在河津縣

元和志高祖神堯皇帝廟在禹廟南絕頂之上畫行幸儀
衛之像蓋義甯初義旗至此也

羅羅廟在汾西縣

太平記霍邑縣羅羅廟在縣西百里廟內有碑記按碑記
文云是廟建於永徽五年百姓爲羅縣開國燕伯龍等立
案今汾西有羅羅龍王廟志稱爲淵逸真人蓋
非燕伯龍之故祀也據記伯龍名爲霍邑人

顯聖宮北漢宗廟也在太原縣

十國春秋天會元年七月初立七廟於高祖舊第號顯聖宮

李驤祠在太原縣

十國春秋世祖紀帝聞湘陰公死大慟哭爲李驤立祠歲

時祭之

先是郭威謬立崇子湘陰公贊崇信爲然太原少

離間父子命

牽出斬之

東明神在洪洞縣護君神女郎神在忻州妒女祠在平定州

帶甲祠在遼州大郎神在趙城縣

地形志永安郡楊有東明神秀容郡秀容有女郎神護君

神樂平郡石艾有妒女泉及祠

案諸神祠自妒女祠外均不可考舊通志於路安列

有白馬神劉公祠云

地形志並無其文未知何本

宋史建隆三年

李繼勳下遼州戰帶甲祠

太平記平定縣畢發水一名

阜漿水亦名妒女泉源出縣東北董卓壘東今其泉初出
大如車輪水青碧泉旁有祠土人祀之婦人炫服覲妝必
興雲雨故曰妒女郡國志云子推妹也故老傳此泉中有
神似鼉蓋伏夜游神出水隨神而湧其水東北流入井陘
泉洪洞縣霍水在縣北三里水經注云霍水源出趙城縣
東三十八里廣勝寺大郎神西流至洪洞縣案水經注霍
發源成澤眼七十步而不測其深無源出趙城及廣勝寺
大郎神之說記不知所引何書考霍泉水神今祀明應王
俗名大郎廟舊志滲水崖即漏崖在岳陽縣北六十里巨
流湧出倏乾滲焉土人傳大郎神以杖剔出引水穿山而
過至今趙城廣勝寺山下有泉湧出即
此水也以記文證之其流傳已古矣
右祠宇秩祀已輯有專篇采其見於古籍者別入
者則煩書於後大半廢祠為祀典所
不及也意主存古故錄至宋初也

女媧陵在趙城縣一在永濟縣

太平記晉州趙城縣女媧墓在縣東南五里按城家記女媧墓有五其一在趙簡子城東五里高二丈卽此

蒲州府志女媧陵舊在蒲州南六十里黃河洲渾上今風陵渡其遺處也水經注云潼關直北隔河有層阜巍然獨秀孤峙河陽世謂之風陵戴延之西征記所謂風塏者也九域志女媧墓在今潼關河口灘上屹然介立有木數株雖暴漲不漂沒元和郡縣志風陵堆在河東縣南五十里與潼關對峙字記云風陵城在其下閿鄉津去其縣三里卽風陵故關也考古要錄河中風陵或疑爲古伏羲冢以庖皇爲風姓故然女媧亦風姓或以爲卽伏羲妹爲雲姓如羅泌所說者非也唐天寶十三載天雨冥晦失陵所在至乾元二年河旁風雷夜聲明

旦視之復湧出夾以兩柳陝州刺史奏之肅宗使祝史
祀焉宋太祖乾德四年詔置守陵五戶至熙甯中陵復
失不見舊有唐商潭碑亦亡城家記云女媧陵有五此
其一矣案魏晉地形志任城亢父有女媧冢

姜嫄墓在聞喜縣北又絳州南亦有古冢

舊通志在縣西北四十五里冰池村土人傳稷棄於此
又傳稷始播種於此案縣西北四十五里左宜十五年傳杜注河東聞喜縣西有稷山是也元和志山上有稷祠在稷山縣南五十里山之陽今仍爲聞喜地有姜嫄墓墓旁有祠
翟鳳翥記舊志並見絳縣翟記已詳陽都絳縣祠墓別見秩記略

帝堯陵在臨汾縣東又縣北有丹朱墓

日知錄漢書地理志濟陰成陽有堯冢靈臺後漢書章帝
紀元和二年八月東巡狩使使者祠唐堯於成陽靈臺安

帝紀延光三年二月庚寅使使者祠唐堯於成陽皇覽云堯冢在濟陰成陽皇甫謐帝王世紀云堯葬濟陰成陽西北四十里是爲穀林水經注城陽西二里有堯陵陵南一里有堯母慶都陵於城爲西南稱曰靈臺鄉曰崇仁邑號修義皆立廟四周列水澤而不流水澤通泉泉不耗竭至豐魚笱不敢採捕廟前並列數碑栢成林二陵南北列馳道逕通皆以磚砌之尙修整堯陵東城西五十餘步中山夫人祠堯妃也石壁階墀仍舊西南北三面長櫟聯蔭扶疏里餘中山夫人祠南有仲山甫冢冢西有石廟羊虎破碎略盡於城爲西南在靈臺之東北宋史神宗熙甯元年七月己卯知濮州韓鐸言堯陵在雷澤縣東穀林山陵南有堯母慶都靈臺廟請敕本州春秋致祭置守陵五戶

免其租奉酒埽從之

成陽在漢爲濟陰屬縣北齊廢隋復置爲雷澤縣唐宋因之金復廢今曹

州東北六十里故雷澤城是也

而集古錄有漢堯祠及堯母祠碑是廟與

碑宋時猶在也然開寶之詔帝堯之祠乃在鄆州

今在東平州東

北三十里蓋泉山之陽

意者自石晉開運之初黃河決於曹濮堯陵

爲水所浸乃移之高地乎而後代因之不復考正矣

元史

帝紀泰定二年四月丁酉濮州鄆城縣言城西堯冢上有佛寺請徙之不報

虞舜陟方見於書

禹會諸侯於塗山見於傳惟堯不聞有巡狩之事墨子曰

堯北教乎八狄道死葬豷山之陰舜西教乎七戎道死葬

南已之市禹東教乎九夷道死葬會稽之山此戰國時人

之說也自此以後呂氏春秋則曰堯葬於穀林太史公則

曰堯作游成陽劉向則曰舜葬濟陰竹書紀年則曰帝堯

八十九年作游宮於陶九十年帝游居於陶一百年帝陟

於陶說文陶再成邱也在濟陰有堯城堯嘗所居故堯號
陶唐氏而堯之冢始定於成陽矣但堯都平陽相去甚遠
堯期之年禪位之後豈復有巡游之事哉偃朱之說並出
竹書而鄆城之迹亦復相近括地志曰故堯城在濮州鄆城縣東北十五里竹書云昔堯封爲舜所囚也又有偃朱故城在縣西北十五里竹書云舜因堯復偃朱朱使不與父相見也按此皆戰國人所造之說或人告燕王謂殺政益而奪之天下詩書所不載非子言湯使人說桀尤自投於河大抵類此詩書所不
載千世之遠其安能信之山海經海外南經狄山帝堯葬
於陽注呂氏春秋曰堯葬穀林今成陽縣西東阿縣城次
鄉中嵒陽縣湘亭南皆有堯冢

臨汾縣志城東七十里俗謂之神林高一百五十尺廣
二百餘步旁皆山石惟此地爲平土深丈餘其廟正殿
三間廡十間山後有河一道有金泰和二年碑記竊考

舜陟方乃死其陵在九疑禹會諸侯於江南計功而崩其陵在會稽惟堯之巡狩不見經傳而此其國都之地則此陵爲堯陵無疑也 丹朱墓相傳在城北二十里王曲村有前後二冢上有舊祠明洪武二年重修舊通志並見翼城縣志金井又長子縣南二十五里丹朱嶺

帝舜陵在安邑縣西

舊通志縣西二十里鳴條岡陵高三丈贊以甃方廣四十步有奇內外地百畝有奇古柏胥大可十餘圍有守陵大雲寺

張京俊舜陵辨安邑縣治西北三十里曲馬村有鳴條岡舜陵在焉湖廣永州府九疑山亦有舜陵歷代祀典致其下千古之疑也竊嘗考之古祭不墓故帝王陵寢

不見於古文元魏太和始詔祀堯於平陽舜於河東禹
於安邑湯於汾陰至唐代宗永泰二年詔道州舜廟獨
近廟佃戶充掃除從刺史元結之請也又唐張謂道州
舜廟碑云舊無陵廟天子有事皆於山下行之因建廟
焉此永州有舜廟之始宋建隆中復詔天下於帝王陵
墓設守視禁樵蘇自大吳以下十六帝各給守陵五戶
此永州有舜陵之始蓋遵史記之文也按帝舜卒葬之
說見於古文者凡九尙書舜三十徵庸三十在位五十
載陟方乃死禮記祭法舜勤眾事而野死檀弓舜葬蒼
梧之野蓋二妃未之從也國語展禽曰舜勤民事而野
死孟子舜生於諸馮遷於負夏卒於鳴條山海經載舜
陵者不一海內南經云蒼梧山帝舜葬於陽丹朱葬於

陰大荒南經云南海之中有汜天之山赤水窮焉赤水之東有蒼梧之野舜與均叔之所葬也又云帝堯帝舜帝嚳葬於岳山海內經又云南方蒼梧之邱蒼梧之淵其中有九疑山舜之所葬在長沙零陵界中孔子家語帝命二十二臣率堯舊職恭己而已平地成天巡狩四海五載一始三十年在位嗣帝五十載陟方岳死於蒼梧之野而葬焉竹書紀年云四十九年帝居於鳴條五十年陟司馬史記舜踐位三十九年南巡狩崩於蒼梧之野葬於九疑是曰零陵此九書之中尚書尙矣言死而不言其地檀弓爲合葬者引雖云蒼梧未可便謂是南荒之蒼梧禮記國語之言其敘致似出一手不知展禽之引古禮歟抑漢儒取國語之言雜入禮經耶曰勤

眾事而野死爲祭法引之也夫舜命官分職平地成天
此舜事也若以南巡爲勤眾事抑末矣則二書所云勤
眾事勤民事者恐亦未可以南巡實之也若山海經則
博而不倫家語則取尙書檀弓國語之言而雜著之益
非有見也孟子史記二書之是非旣辨則千古之疑剖
矣竊以爲孟子之言必有確據檀弓國語在孟子時恐
尙未有南巡之解卽有之亦孟子所不取也秦火之餘
典籍闕略其作史記取國語世本國策而成之其云南
巡狩崩蒼梧葬九疑者不無可議夫尙書旣云格汝禹
朕宅帝位三十有五載耄念茲在茲勤汝惟不怠總朕師
又曰正月朔旦受命於天又率百官若帝之初是禹旣
已攝行天子事矣今以南巡狩是百一十歲之天子尙

馳車南荒離所攝者何事一可議也且天子七月而葬同軌畢至今云葬九疑當時諸侯悉赴南荒耶抑不赴耶蒼梧尙在九疑南五百里何不卽葬於蒼梧而復有九疑之返耶是又可議也且以尙書陟方爲巡狩蔡九峰注亦疑之矣竊惟五十載陟方一句是總敘舜位之年非謂此時巡狩也夫敘歷位之年何以云陟方蓋以陟方爲天子事岳牧不得而同之故以此敘歷年猶云五十載爲天子也然倦勤之後何以係帝載亦猶帝攝行二十載堯未嘗去天子位也今史記巡狩二字實本之陟方卽使不誣而南之一字又何所本乎是又可議也若是則子長之言似不得與孟子較短長矣獨可疑者子長生長龍門去鳴條不二百里何以舍安邑之

舜陵不言而遠取南荒為哉其五帝贊云余嘗西至崆

峒北遊涿鹿東漸於海南浮江淮矣所至長老皆各往

往稱黃帝堯舜之處風教固殊焉總之不離古文者近

是夫曰近是則亦未嘗必以為是也晉太康中盜發魏

襄王冢得竹簡書數車紀年自黃帝至周赧王之十二

年舜紀云四十九年帝居於鳴條五十年陟與孟子適

合魏承晉霸之餘居三聖故都文物之備可知竹書之

言非無據也若是則舜之葬永州而葬安邑之鳴條

確矣案張著前後二葬皆言之載理其後辨力攻尚書

知孔傳之為偽書也又疑家語五帝紀篇陟方岳亦出

於安國不知家語亦不遠意中條山古必有蒼梧之名故

蒼陵谷去鳴水不遠意中條山古必有蒼梧之名故

為微等書皆云舜葬於蒼梧舉竹書注鳴條有蒼梧山

沈約之舊然亦可備一說也茲附存之

二妃陵在永濟縣東

太平記河東縣帝舜二妃之陵在縣東十一里俗謂娥皇

女英陵

舊志地名
蒼陵谷

義和墓在稷山縣又有后稷墓

太平記稷山縣義和墓在縣東北十一里堯時義氏和氏
掌天地之官

舊通志稷山縣東南五十里稷躬稼於此後堯遂葬焉
皋陶墓在洪洞縣南伯益墓在太平縣東

舊通志洪洞縣南十三里皋陶村有冢伯益墓在太平

縣東四十里李社村業史記大業取少典之子曰女華

翳伯益也列女傳陶子生大費是為柏翳正義即皋陶柏

皋陶之子伯益也益墓於古無徵皋陶墓括地志在壽

川安豐縣南一百三十里故六城東然史記言帝禹立

皋陶而薦之且授政焉而皋陶卒封皋陶之後於英

六而後事益任之政則六城乃其別子所封在陶卒後
安必其葬於彼乎而洪洞太平皆在虞夏故都內有其
父于墓固宜也又案皋陶村亦稱高陽村唐地理志晉
州有府曰高陽曰益昌又安知非因古賢而納稱乎蓋
庭堅爲八位之一
本爲高陽氏也

夏后氏陵在夏縣北

舊通志縣北池下王村里夏一代陵寢胥在焉案一統
志惟禹陵在會稽山太康陵在開封府太康縣西自啟
以下不具書今夏縣高邱累累卽啟以下諸陵寢也金
大定五年建朝元觀於其側以司香火焉

謹案舊志又列夏官關龍逢墓在安邑縣東北二里
明呂柟撰碑記據城冢記云在龜頭原左脇高三丈
考寰宇記引此文墓在靈寶縣西南七里有唐開元
十三年碑不可誣也

商湯王陵在滎河縣北

皇覽湯冢在濟陰亳縣北東郭去縣四里冢四方各十步
高七尺上平處平地 路史嘗怪劉子政說湯無葬處而
崔駰薛瓚俱云濟陰亳縣今有湯冢皇覽云在亳城北郭
東三里高七尺韓嬰所謂帝乙墓者何謂無耶按伏軾北
征記博望城內有湯伊尹及箕子墓今悉成邱而杜征南
亦云梁國蒙縣北薄伐城中有湯冢其西有伊尹箕子冢
今城內有故冢方城疑其爲是而記乃稱王子喬墓亳之
湯冢已氏之伊尹冢顏攢亦固疑之爰求徵地則又別有
湯冢漢建平元年大司空史御長卿按錄水災行湯冢者
於漢隸扶風地有湯池徵陷何謂無耶然湯之都亳與葛
比似亦不在茲土及考秦甯公本紀二年伐湯三年與亳

戰亳王奔戎遂滅湯則知周穆桓之時別自有湯亦號亳王爲秦所滅乃西方之君葬於微者而非成湯之墓繼觀聖賢城家記則湯之冢後魏天賜中已圯矣銘言二千年困於恩其明器悉爲河東張恩斂之於河以是知成湯之窆久已蕪沒至是已不復存子政之言爲不苟矣

舊通志陵在縣北四十里百祥村西後魏天賜中圯其明器悉爲河東張恩斂之於河縣志又言元癸未歲淪於汾河以石柩遷葬焉明初遷陵寢於陵東正德元年太常少卿喬宇疏商湯王陵在榮河縣北四十里舊傳陵已爲河水所齧壞不存歷代皆於岸東近地設位而祭但屋宇卑狹地勢淺陋議得廟後有隙地三四畝可以置得殿堂三間兩廡牲房數楹後遂致祭於祠

巫咸墓在夏縣東

漢書地理志安邑巫咸山在南水經注鹽水流逕巫咸山北谷口嶺上有巫咸祠史記正義巫咸及子賢冢皆在常熟縣西海虞山上蓋二子本吳人也

舊通志商巫咸巫賢墓在夏縣東五里瑤臺山下明知

縣姜洪繚以周垣案此與傳疑皆因祠而及墓志引越絕然虞山吳山亦卽中條之別名傳聞異辭不能執一以論也

傳說墓在平陸縣東

舊通志在縣東二十里馬跑泉之左卽說故居也

伯夷叔齊墓在永濟縣南

十三州志雷首山一名獨頭山夷齊所隱也山南有古墓陵柏蔚然攢茂邱阜俗謂夷齊墓

周厲王陵在霍州東又有蜚廉墓亦在州東

元和志在霍邑縣東二十九里厲王無道國人叛之出奔

彘死因葬此

世紀去彘縣十五里有蜚廉墓

詳見金石記

唐叔虞墓在太原縣西南一在翼城縣

元和志在晉陽縣西南十六里

舊通志太原縣西南十五里俗稱晉王墓亦曰晉王嶺

舊志云其子晉侯燹墓亦附焉又翼城縣故城村有叔

虞墓

晉文公墓在絳縣西南襄公墓在襄陵縣南厲公墓在翼城縣東南又有小子侯墓

太平記絳縣晉文公墓在縣東北二十四里左傳文公卒將殯於曲沃出絳極有聲如牛唐貞觀十一年詔致祭禁

樵蘇襄陵縣以晉襄公陵於是邑以名縣舊志墓在縣南

村原翼城縣晉厲公墓在縣東南一十六里高一丈六尺

葬在翼東門之外杜預云不以君禮葬按絳縣晉文公墓高十丈厲公不以禮葬故墓小耳

舊通志小子侯墓在翼城縣東浮圖村北墓高三丈周

百步俗呼小王墳

齊姜墓驪姬墓並在絳州

元和志絳州正平縣齊姜墓在縣南九里申生之母也驪

姬墓在縣南八里舊志並在州南四里驪姬墓在滄水北

高涼有驪姬冢蓋其時正平郡治柏壁此地案地形志

分屬高涼也高涼故城在稷山東南三十里

畢萬墓卻芮墓在芮城縣
太平記芮城縣畢萬墓在縣東北十三里按地理志云魏

城東五里有魏始祖墓高一丈卻芮墓在縣西三里芮爲秦伯誘殺於河上子缺服喪營墳葬於此

荀息墓在鄉甯縣東里克墓在曲沃縣南狐突及子毛偃墓在交城縣北介之推墓在靈石縣東

元和志慈州昌甯縣荀息墓在縣東北十六里今縣東柏山右側有祠墓在絳州曲沃縣里克墓在縣界五里今縣南山嶺

舊通志交城縣狐突墓在縣西北馬鞍山宋宣和五年封利應侯子毛偃胥祠葬三墓並存鄉人建廟以祀之

靈石縣介之推墓在縣東張嵩村神林並見沁源縣案

宇記介山一名橫嶺地名縣上郡國志介山上有子推冢並祠存今介休靈石二縣以山脊爲界北屬介休南屬靈石故神林在山之陽爲靈石地也又縣上故縣今屬沁源爲鎮故亦有墓也

趙盾墓在太平縣西南又有公孫杵臼及程嬰墓

太平記在縣西南一十八里公孫杵曰並程嬰墓在縣南

二十一里趙盾墓塋中舊通志在縣南十里汾陽村又程嬰公孫杵曰墓亦見忻州

羊舌大夫墓在絳州西伯華叔向墓在沁州南

太平記絳州正平縣晉羊舌大夫墓在縣西二里威勝軍

銅鞮縣羊舌伯華墓在縣南六十里晉太康地記云銅鞮

晉大夫羊舌食邑時號曰銅鞮伯華墓高一丈五尺叔向

墓在縣東一十八里案元和志無伯華墓其叔向墓與此同所指之縣乃今沁州南四十里之

故縣鎮也樂史於伯華墓云縣南六十里據今州治而言

若叔向墓去故縣十八里去今州當四十里而仍襲舊文

殊疎舊通志謂二墓皆在州南二十里又似皆不出故縣

其襄垣縣下云叔向墓在縣南二十里赤壁鋪赤壁在縣北

北

卻缺墓在岳陽縣東祁奚墓在祁縣東韓起墓在襄垣縣東

元和志晉州和川縣襄缺墓在縣南三十六里今岳陽縣東七十里

舊通志襄垣縣韓宣子墓在縣東北一十五里

師曠墓在洪洞縣東南閭沒墓在徐溝縣清源鄉

元和志清源鄉閭沒墓在縣西南師曠見前祠字下閭沒舊志云將軍閭沒墓在

翼城縣古署村

趙簡子墓在壽陽縣襄子墓在定襄縣智伯墓在榆次縣

舊通志壽陽縣趙簡子墓在縣西北三十里賀魯城簡

子祠後宋開寶三年詔守冢兩戶禁樵采定襄縣趙襄

子墓在城東五里萬厯三十年墓裂二孔內胥磚砌形

制悉古知縣王立愛豎碑榆次縣智伯墓在縣東三十

里相傳智伯死鑿臺下趙襄子取其頭爲飲器國人刻

木頭以葬今其地名神頭村

魏文侯墓在芮城縣一在孝義縣

太平記汾州孝義縣魏文侯墳在縣西五里

有唐開元中
孝義令楊仲

昌碑及宋謝景
初碑詳金石記

舊通志在芮城縣東南八里

趙武靈王墓在靈邱縣東

水經注澠水又東逕靈邱縣故城南應劭曰趙武靈王葬
其東南二十里故縣氏之

段干木墓在芮城縣東北一在孝義縣

太平記在縣東北一十五里按史記魏文侯過段干木之
廬必式卒葬故魏城東墳高三丈有祠在焉貞觀十年敕
禁樵采又孝義縣段干木墓在縣東北二十五里

馮亭墓在長治縣西李牧墓在太平縣東

元和志潞州盩關縣華陽君墓在縣西五里 太平記李

牧墓在太平縣東北十三里

伯樂墓在永濟縣南猗頓墓在猗氏縣南

太平記蒲州河東縣伯樂墓在縣南四十里又濟陰定陶
及雍州亦有伯樂墓未詳孰是猗氏縣史記云猗頓川鹽
鹽起今縣南二十里猗氏故城是也

舊志墓在縣南王寮村

黎莊夫人墓在黎城縣東

舊志志在縣東二十八里古黎城東

潞子嬰墓在潞城縣東北

舊通志在縣東北五十里續村

仇猶君墓在孟縣東

舊通志在縣東三十里皋牟城縣志晉太子封仇猶伯

有遺愛民廟祀

案仇猶君為智瑤所滅見韓非子志云晉太子未知何據

鄭太子壽墓在翼城縣西

舊通志在縣西雲唐村有盧照鄰碑

詳見金石記

各府州縣志列有上古三皇陵在大同府

又有祁皇墓不詳時代

炎帝陵在高平縣軒轅陵在太平縣

志云上魯村東汾河內有石棺以鐵

束之隱風后墓在永濟縣警叟墓在垣曲縣臺駘墓在

靜樂縣許由墓在平陸縣伊尹墓仲虺墓在榮河縣彭

祖墓在黎城縣

又滿泉縣有彭祖墓箕子墓在潞城縣尹吉甫墓

在平遙縣八士墓百里奚墓在猗氏縣晉獻公墓晉靈

公墓在絳縣先軫墓在遼州韓厥墓在忻州卞和墓在

屯留縣公冶長公肩子仲墓在遼州扁鵲墓在虞鄉縣

田子方墓在孝義縣琴高墓在沁源縣羊角哀左伯桃

墓在稷山縣陶朱公墓在安邑縣蘭相如墓在岳陽縣

亦見鳳臺縣又廉頗墓在鄉甯縣龐涓墓在太谷縣亦

趙城縣有祖墓 縣社 白起墓在榆次縣曲沃白冢村鄉甯林山並有墓 張儀墓在榮河

縣燕丹墓在右玉縣荆軻墓在潞城縣又交城縣有周

王交墓志云在縣西南汾水上金大定中東岸崩得古墓有鼎十餘鐘磬各數十今墓址尚微有迹一

統志作 襄垣縣有韓王墓孟縣有趙王墓皆不可考

右上古至周末

漢絳侯周勃墓汾陽侯靳疆墓在曲沃縣

曲沃縣志絳侯墓在縣東南周家莊靳疆墓在縣北方

城里

曲逆侯陳平墓在芮城縣水門村

舊通志陳侯家十虎墳在縣東北十里以子孫多英傑

故名舊志訛為陳平墓蓋平八世孫康為魏郡太守始

徙此案寰宇記云平葬中條山蒲陰縣城西門八世孫漢魏郡太守陳康於此分居在縣東北二里至唐

武德四年二十六世孫陳處厚從故墓自南遷北為北

祠據此則平墓本在州逆故封芮城之墓皆虛立也記

雁門太守郅都墓在洪洞縣東南一在代州

太平記在縣東南二十里舊通志作郅憚墓在趙城縣石門里誤又郅都為

雁門太守匈奴憚之不敢近塞葬雁門墓側有柏五十餘

株今號曰郅君柏舊志在州東南五十里

壺關三老令狐茂墓在壺關縣親賢村

路安府志在縣東十六里寰宇記作令狐徵君詳見前篇

馮昭儀墓在黎城縣北戚家店

左將軍馮奉世墓及子宜鄉侯馮參墓在昭儀墓西

太平記潞州黎城縣馮奉世墓及馮昭儀墓在縣東二里

昭儀卽奉世之女也昭儀之子爲信都王舊通志奉世墓在縣北七里

宜鄉侯參墓在側案宋以前黎城治今縣西北八里之故城故記言東二里今爲北七里舊志昭儀墓在奉世墓東

二里非也

司隸校尉鮑宣墓在長子縣東十三里

地形志長子縣有鮑宣墓

丞相崔方進墓在猗氏縣西五里

猗氏縣志有唐長孫儻重建碑詳金石記

班氏先墓在甯武縣詳見前宮室卷

霍楊墓在臨晉縣東北二十五里揚霍光七世孫有碑記

周黨墓在祁縣小韓村

地形志祁有周黨冢 元和志在縣東南一十四里

護羌校尉溫序墓司徒王允墓並在祁縣修善村

元和志縣西北十四里序本祁人死葬洛陽其子夢序云
久客思故鄉乃反葬焉

郭有道墓在介休縣東二里

詳見金石記

徵士宋子冲墓在介休縣尉村

詳見金石記

徵士衛暭墓在安邑縣

舊通志暭明帝時以代郡儒學徵至河東安邑卒因賜
所亡地葬之子孫遂家焉

司空王卓墓在臨晉縣城西村

舊通志在縣東南二十里唐十八代孫王顏樹神道碑

曰葬河東猗氏縣隋併猗氏爲桑泉今司空冢在縣東

南解古城西二里

舊作晉司空誤
詳金石記

關氏先墓在解州常平村

州志祀關帝三代於此

有祖墓碑詳見秩祀略

舊志列有西漢張角墓在襄陵縣紀信墓樊噲墓在趙城縣薄昭墓在陽曲縣周亞夫墓在壺關縣霍光墓在浮山縣霍去病墓在定襄縣李陵墓在介休縣司馬遷墓在河津縣蔡倫墓在安邑縣後漢馮異墓在潞城縣馬武墓在芮城縣鄧禹墓在猗氏縣桓榮墓在永濟縣鄭康成墓孔伋墓在臨晉縣皇甫嵩墓董永墓在萬泉縣又芮城縣有王隱侯墓云光武時人不詳其名

三國魏武衛將軍萬歲亭侯許褚墓在襄陵縣許留村

舊通志在縣西南十八里

案志謂北許村爲許褚塋城址猶存爲當時所築又

縣東南三十里下梁村有夏侯惇墓

鎮東將軍揚州刺史母邱儉墓在聞喜縣邱村

舊通志縣南五里嶺上大家累累相傳爲儉父子墓

案

父高陽鄉侯興墓當在此本傳儉起兵時遣子宗四人入吳晉平吳宗之子興復還鄉里管轄傳云宗隨軍西行過墓下倚樹哀吟精神不樂人問故曰林木雖茂無形可久碑誄雖美無後可守元武藏頭青龍無足白虎衛口朱雀悲哭四危以備法當滅族不過二載其應至矣卒如其言觀此乃儉祖父墓也

氏池長泮游墓在襄垣縣西十里

舊通志晉書儒林傳游上黨人武帝以故府僚屬拜郎

中不就漢劉淵以師徵御史大夫不受故書魏官

晉懷帝愍帝二陵在臨汾縣西

舊通志宋乾德四年禁樵采

晉太原成王司馬輔墓在太原縣東

魏土地記太原郡城東有汾水南流東有晉使持節都督

并州諸軍車鎮北將軍太原成王之碑 太平記廢太原

縣王陵城有晉太原王司馬輔冢存

西河繆王司馬斌墓在汾陽縣西七里

詳見前
嗣字

光祿大夫祁侯李惠墓在沁州南

敬侯衛顗墓在猗氏縣

並詳金
石記

太保衛瓘墓太子洗馬衛玠墓在安邑縣東北

太平記衛瓘墓在縣東十七里高埃原上按晉陽秋曰太

保蒲陽侯衛瓘河東安邑人瓘子桓桓子玠舊傳云衛瓘

葬高樓今墓前有高樓故道

舊志在縣東北三十里王
范村衛玠墓在太保墓西

中書令裴楷墓在絳縣西南

志云舊有
碑今剝落

河東太守王毛墓在猗氏縣西關外

詳見金
石記

車騎將軍賈充墓在臨汾縣朱賈里

太平記在襄陵縣西南十里充字公閭爲車騎將軍贈太

宰

案襄陵故城在平陽府東南三十二里故充墓在府境

僕射鄧攸墓在襄陵縣鄧村

襄陵縣志在縣南二十五里鄧村

通志在縣北

南蠻校尉參軍郝隆墓在崞縣東上社村

介休令賈渾墓在縣南三里

晉書永興元年漢別將喬晞寇西河取介休縣令賈渾不

降晞殺之

舊志有周處墓在鳳臺縣司空張平子墓在臨晉縣

原案

云晉無司空張平子當以壯武裔孫居河東故傳謗

偽漢永光陵在洪洞縣秦壁村宜光陵在臨汾縣西南

太平記晉州洪洞縣劉元海墓在縣東八里

十六國春秋謚光文皇帝

葬永陵宣光臨汾縣劉聰墓在縣西南十一里元海四子謚昭武皇帝葬

宣光

劉和墓在臨汾縣南三十五里又縣北有劉雄墓

太平記和元海太子也欲誅劉聰為聰所殺

舊通志漢劉聰墓相傳在城西北十里前有碑額云漢

故持節侍中太宰司徒右部魏成獻王之碑案此乃劉聰碑也

志疑劉景劉宣並非詳見金石記

後趙石嵩墓在永甯州北李陽墓在榆社縣南遂明墓在孟

縣

地形志鄉都鄉縣三臺嶺上有李陽墓

舊通志永甯州趙離石侯石嵩墓在萬戶山之西孟縣

有上柱國遂明墓在縣北二十里葭池案上柱國制始

魏周存疑

西燕慕容永墓在潞安府城西南營

潞志拾遺永當日死針漳土人收葬且廟祀之今郡城

西南營卽古針漳村也

說詳城邑考
長子故城

右漢魏晉十六國

後魏金陵有昭成帝太祖太宗世祖高宗顯祖六陵及景穆

太子墓並在和林格爾托克托兩廳界

魏書昭成帝紀太祖元年營梓宮木柿盡生成林太祖紀

葬盛樂之金陵太宗紀葬雲中金陵

諸帝世祖
以下並同

孝文帝營壽陵於方山在大同府北

魏書高祖豫營壽宮有終焉瞻望之志及遷洛陽乃自表

瀍西爲山園之所而方山靈宮至今猶存號萬年

皇后祔葬金陵者有平文皇后王氏獻明皇后賀氏明元昭
哀皇后姚氏劉氏密皇后杜氏太武皇后赫連氏敬哀皇后
賀氏景穆恭皇后郁久閭氏文成元皇后李氏獻文思皇后
李氏孝文貞皇后林氏

文明太皇太后永固陵在方山又太祖侍姬元氏墓在朔州
世祖保太后竇氏葬崞山在渾源州西

水經注方巔有文明太皇太后陵陵之東有高祖陵二陵
之南有永固堂 太平記元姬山後魏道武侍人姓李善

謳歌死葬此山魏主思之樂府爲之曲其曲存焉 魏書

帝紀真君二年葬保母惠太后於崞山 詳金石記舊志
列入崞縣誤

其王公陪葬金陵者有任城王元雲墓上黨靖王長孫觀墓
城陽公奚烏侯普墓江夏公元呂墓彭城公元勃墓子彭城

王粟墓長樂王元處文墓丹陽襄王叔孫建墓子安城孝元
王俊墓正定公王建墓宣城忠貞公車路頭墓隴西宣王源
賀墓平原簡王陸麗墓帶方靖公羅斤墓趙郡康王羅拔墓
隴西獻王姚黃眉墓瑯邪武公長孫肥墓子平陽威王翰墓
吳郡恭王長孫陳墓平陽公長孫成墓

魏書叔孫建傳子俊卒賜溫明祕器載以輜輶車衛士導
從陪葬金陵後有大功及寵幸貴臣薨賻送終禮皆依故
事無得踰之者又俊年二十八卒太宗命其妻桓氏曰夫
生既共榮歿宜同穴能殉葬者可任意桓氏乃縊而死遂
合葬焉

餘並詳
本傳

定陵公和跋墓在甯遠廳界

魏書本傳道武幸豺山收跋刑之後太武幸豺山校獵忽

暴霧四塞怪問之羣下僉言敗世居此祠墓猶存或者能致斯變乃遣建興公古弼祭以二牲霧卽除後太武蒐豺山曰每先遣祭之

武威定王王橋墓及子太宰并州牧王徽墓在太原縣

魏書王徽傳殺賜溫明祕器宕昌公王遇盟護喪事內侍長董醜奴營墳墓將葬孝文登城樓以望之京都文士作哀詩及誄者百餘人徽父橋贈武威王諡曰定追册徽母賈氏爲妃父子並葬城東相去里餘遷洛後更徙葬太原晉陽故地

司空庾岳墓在朔平府北太保盧魯元墓在渾源州崢山太尉宜都公穆崇墓在大同縣白登山城陽公元忠墓在陽高縣境

魏書庾業延傳代人賜名岳葬在代西善無界太武征赫連氏經其墓愴然改容詔爲立廟令州人四時致祭

盧魯元穆

崇元忠並詳金石記

都督陸旭墓上黨太守馮勅墓並在長治縣車騎將軍穆祚墓在介休縣西七里

天下金石志並有碑

陸旭亦作陸儼詳見金石記

左僕射郭祚墓在榆次縣源渦村西河太守裴欣墓在解州冠軍將軍趙黎奴墓在太谷縣石象村清河太守張昭墓在屯留縣北三里朱楷墓在臨汾縣朱村城東又有孝女女勝墓

北史裴俠傳父欣卒俠將擇葬地號泣而行空中有人曰童子何悲葬於桑東封公侯俠懼以告其母母曰神也吾

聞鬼神福善爾家未嘗有惡當以吉祥告汝耳時俠宅側
有大桑林因葬焉又列女傳河東姚氏女字女勝正光中
年十五母卒不勝哀而殞太守崔游申請爲營墓立碑比
之曹娥

臨汾縣志魏朱楷墓在城東二
十里女勝墓在城東大道北

慕容將軍墓在襄垣縣天柱大將軍爾朱榮墓在定襄縣林
水村

舊通志慕容將軍名赤土墓在襄垣縣北二十里相傳
孝文經獅山天地昏暗赤土剖心祭天遂葬於此土人
多祀焉

東魏冀州刺史關寶禹墓在平定州北四十里太尉錄尚書
事劉懿墓在忻州九原岡雍州刺史左深墓在太谷縣井谷
村

忻州志劉貴珍墓在州西九原岡

案即北齊書劉貴道光間誌出土作劉懿

字貴珍實一人也關左並有墓碑詳見金石記

西魏龍驤將軍杜何跋墓在榆次縣麓臺村譙郡太守曹恪墓在安邑縣石碑莊

金石萃編周譙郡太守曹跋樂碑在安邑縣

案太守以大統十年卒碑

題周非杜何跋墓誌亦以大統紀年者並詳金石記

北齊彭城太妃墓在太原縣石堂頭村

舊通志在縣北十五里爾朱榮女神武帝妃有誌石

丞相斛律金墓在太原縣西南十五里斛律光墓在絳州治

太平記平晉縣斛律金墓在縣西南十七里齊相國咸陽

王

案平晉在今縣東北二十里則墓當在其西南三十七里記標新縣名而文仍襲舊殊疎

絳州志左丞相咸陽郡王斛律光墓在州衙子城東北

隅金孫鎮記王嘗指此地曰吾死後葬於此及百年當有二千石爲吾守墳

開府白顯墓在榆次縣要店村趙郡太守申穆墓在潞城縣三垂山侍中韓祐墓在長子縣韓坊村又縣東北東王村有中山太守蘇順墓

舊通志顯起之裔以子建貴贈官墓前有碑韓祐蘇順墓誌皆近年出土並詳金石記

扶風郡王可朱渾元墓在榆次縣源渦村又縣東韓村寨有安德郡王韓軌墓常侍翟嵩墓在太谷縣南七里將軍馮標墓在長治縣南十五里太宰庫狄干墓在忻州城西并州刺史庫狄引墓在州南河子頭

舊通志嵩墓在咸陽村時稱翟夫子案翟嵩馮標庫狄引皆無史傳可考

舊志云云未審何據或墓
曾有碑也餘並見北史

北周開府唐邕墓在祁縣大韓村侯莫陳相墓在稷山縣平
隴村曲沃令裴季和墓在聞喜縣

北史裴文舉叔季和爲曲沃令終於聞喜川而叔母韋氏
卒於正平縣屬東西分隔韋氏墳壙遂在齊境及文舉爲
絳州刺史每加賞賚齊人感其孝義潛相要結以韋柩西
歸竟得合葬 太平記祁縣唐邕墓在縣東南七十里碑
云齊尙書令晉昌王案北史本傳邕降周授開府儀三司
碑題齊尙書令非其實也墓在大韓
村距縣十五里
云七十里似倒

隋黃門侍郎陳茂墓在臨晉縣北小嶷山尙書薛道實墓在
縣北平宜村河北道總管王聃子墓在縣北耽子村

舊通志曇延墓在聃子村西司空王卓之後見王顏卓

翁碑薛道實舊志名天輔誤陳茂墓石羊虎存

詳金石記

銅川令王隆墓文中子王通墓在河津縣

文中子銅川府君之喪勺飲不入口三日營葬具曰必儉也吾家有制焉棺槨無飾衣衾而舉帷車而載塗車芻靈則不從五世矣既葬曰自仲尼以來未嘗無誌也於是立墳高四尺不樹焉

舊通志文中子墓在縣南三十里通化村又曲沃沁州晉有墓

應州刺史唐義墓太常卿唐鑑墓並在祁縣小韓村孝子韓縱墓在文水縣南十九里洛州刺史趙昭公墓在虞鄉縣五老原西門郎將李寶墓在屯留縣交州刺史裴鏡民墓在聞喜縣趙村

舊通志唐義墓在小韓村按唐邕子君明隋開皇初終

應州刺史當卽其人唐鑑墓在邕墓西南

案邕本傳子君明隋應州

刺史君微隋戎順二州刺史唐書唐儉傳父鑑隋戎州刺史則君微卽鑑也世系表義字君明則君微亦鑑字

謹案舊志祁縣有梁王僧辨墓在縣東大桑村似隋

滅陳後其子頒遷葬於此者然隋書記頒發陳武帝

墓復仇及持服事甚詳而不言改葬存疑可也又韓

彥祖墓在白圭鎮不詳何代人

石魏齊周隋

唐杜國呂斌墓在太原縣索村尉遲敬善墓在縣西南晉王

嶺太保李良臣及子安定郡王光進河東節度使光顏墓並

在榆次縣趙村又全州司馬張行墓在縣古城北十里郝忠

墓在縣南西堰村孝子劉明達墓在太谷縣水秀里黎國公

溫大雅墓清河郡公溫大有墓在祁縣會善村范鑾胃墓在縣西白圭村段大隱墓在縣東六支村監軍使張承業墓在交城縣洪相村荊州都督武士獲墓在文水縣攀龍臺

舊志列有殷開山墓在陽曲縣西山房元齡墓在太谷

縣白城

案本傳皆陪葬昭陵

單雄信墓在榆次縣源渦村李淳風

墓在徐溝縣白圭鎮

云舊在同戈驛嘉靖年間塌出小碑有改葬白圭南之句其詞鄙俚當

出流俗

尉遲敬善鄂國公從弟墓碑存李良臣碑李宗

閔撰光進碑令狐楚撰光顏碑李程撰武士獲碑李嶠

撰張承業有元張鼎新重立墓碑

並詳金石記

嶽嶺軍副使王脩福墓在臨汾東關外司空楊琮墓在翼城縣東楊窰村

翼城縣志在村北草嶺上其後世孫宋元帥璘司空明

金大將軍發縣令時元元帥銓縣尹宜皆耐葬有石人

馬及碑

王脩福有墓誌詳金石記

舊志平陽列有無侵侯墓在臨汾縣東孫思邈墓在洪

洞縣保長村程敞金墓在曲沃縣程王村

鄭惠王元懿太妃墓在潞安府城南十三里都尉宋舉墓在城西南五里司直程芝墓在城西三十里杜國郭盛墓在城南五十里處士馮元墓在司馬村郝元津墓在西火鎮王守忠墓在蒲池村王盛墓在城南五里杜國鄧恢墓在屯留縣鄧村驍騎尉崔通墓在崔蒙村朝散大夫苗裕墓在故城西處士杜美墓在余吾城西王德墓在長溝嶺常舉墓在魏村申屠行墓在潞城縣西十五里申屠輝光墓在縣北合室村太師苗晉卿墓在壺關縣龍溪山武連令王牲墓在縣南柏

林村鄭太妃苗太師外並有碑誌詳金石記

舊志唐昭澤王墓在襄垣縣城東南姓焦氏有異術人禱雨輒應宋加封

號又杜如晦墓在城底村房元齡墓在豐曲村

上柱國郭君墓在汾州府北郭社村上柱國任恭墓在城南文侯村上騎都尉相里瑞墓翊衛任愛墓在城北小相里村上騎都尉任安武墓汾州判官任茂宏墓並在城南牧莊村家宰裴誨墓在平遙縣金莊村上柱國梁思墓在縣下西門外楊復恭墓在介休縣抱腹山處士胡佺墓在縣東狐村游擊將軍武嘉仲墓在孝義縣吳屯村右臺侍御史宋務光墓在永甯州南五十里石嶺軍使昌化郡王烏承玘墓在州東暖泉匯吳武烈墓在石村楊復恭烏承玘並見舊志餘據碑誌詳見金石記

舊志列有劉武周墓御史馬周墓並在介休縣

將軍劉友信墓在澤州府城西二里文林郎李恪將仕郎李亮墓在高平縣長壽村上騎都尉李典墓在武鄉村

舊志宋侍郎欲墓在陵川縣西南三十里

諸墓碑見金石記

裴府君墓在蒲州府首陽山南太守樊演墓在臨晉縣齊王村司空裴寂墓在縣西北五里長史薛寶積墓在縣北平宜村許州刺史王得墓在虞鄉縣石衛村侍郎司空圖墓在王官谷下監察御史趙君煦墓虢王府法曹參軍趙徵墓太常卿趙叡沖墓中書舍人趙良器墓嶺南浙東兩道節度使趙良弼墓太子右庶子趙復墓並在縣西五老原馬西平墓在猗氏縣張嘉貞張延賞張宏靖三相墓在城外西北隅繼公弼墓在李寺村斬將軍墓在縣內大清觀北河中節度使薛平墓在萬泉縣薛村又薛尚書墓在烏蘇村

舊志列有衛公李靖墓在永濟縣太傅董晉墓禮部員

外郎柳宗元墓在虞鄉縣府志晉本虞鄉人然撰文公

鄉則董村太傅墓當是其考贈尚書左僕射良

蒲州府志裴府君墓移員撰墓誌曰嗚呼有唐君子河

東府君之墓趙氏薛氏墓碑並詳金石記

雲州防禦使段文楚墓在大同府東塘山朱邪府君墓在應

州馬神祠下

大同府志舊志唐段文昌墓在府城東八里考段秀實

之孫文楚咸通末為雲州防禦使李克用引兵攻之死

於闕雞臺下昌楚音轉字訛當亟更正應州朱邪府君

墓秀水朱彝尊云後唐明宗父電葬於應州是也詳金石記

豐王墓在朔州西北黑塚山鄂國公尉遲恭墓在無忌村

舊通志明皇子豐王澄開元二十一年封改名洪昭宗

子豐王祁天祐元年封其墓於朔州未詳尉遲恭墓在

州西九十里石獸猶存

案郭公從葬昭陵此或其先墓志謂宋開寶三年遣守冢三

戶州白石晉時已為道有宋安能行其政於敵國乎

崔府君墓在沁源縣南八里縣令李公墓在武鄉縣東門外

上柱國姜緒墓在故城東寨延州司馬李師宜墓在縣東塢

壁村

舊通志崔府君墓碑云名珽令長子多異政李府君墓

武鄉縣治迎恩門外榆嶺圮穴突出一石中有墓誌

蔡誌並詳金石記

彭國公王君廓墓在平定州立壁村開國公弓志宏墓在孟

縣方山村李長者墓在縣西南三十五里

舊志遼州有張府君墓在榆社縣西方山沁州有司空
李勣墓在州南徐村平定州有甯儀公王墓在州北趙
家莊張尹二妃墓在孟縣西煙村又文村有虢國公張
士貴墓

忻州司馬柳真召墓在州城外

州志有墓誌銘見藝文

詳金石志

雁門節度使司徒李國昌墓在代州西柏林寺

詳金石記

舊志忻州定襄縣有唐釋元奘墓靜樂縣有羅時信墓
代州崞縣有鄭國公魏徵墓

衛大經墓在解州西北左驍衛大將軍薛仁貴墓在安邑縣
范陽節度使薛楚玉墓昭義節度使薛嵩墓在夏縣西四十
里諫議大夫陽城墓在縣南吳村淄青節度使侯希逸墓在

平陸縣東侯村張騰墓在芮城縣西窰村

舊通志夏縣陽城墓在柳谷明嘉靖間猶有遺蹟後爲

河水衝沒薛嵩與祖仁貴考楚王並葬縣西四十里

案集

古錄仁貴墓碑在安邑縣嵩碑在夏縣仁貴碑今不可見嵩碑則云附葬先將軍塋先將軍蓋指楚王也然縣西四十里卽在安邑界志謂三世皆葬此者亦未爲不合姑分志之餘詳金石記

舊志御史中丞張巡墓在芮城縣南張村

盧尚書墓在絳州北社村隋州刺史裴守眞墓在稷山縣西八里侍中裴耀卿墓在仁義村渤海郡王高秀巖墓在廉村孝子梁愼墓在西王村刑部尙書盧虔墓在河津縣北張吳村其裴氏世墓在聞喜者曰鳳凰原禮部尙書裴行儉贈太師裴光庭河南少尹裴濟其最著者也

聞喜縣志漢晉唐以來裴氏諸塋在城東去祖莊裴柏

村十里曰鳳凰原北至紫金山南至涑水東至牛塢西

至雞鳴山中倉底永清趙村柳泉坡底居台莊愛裏諸

村墓多在焉聞喜公裴清祕書少監裴齊游尚書裴解

裴顥墓在倉村羽林將軍裴承先光祿大夫裴傑左僕射

西洋恒襄太守裴雙頤高州刺史裴萬石左丞相裴

萬頃前將軍裴太壽孫墓在倉底刺史裴萬石左丞相裴

將軍裴松之將軍裴舍人裴敬義翰林學士裴都尉裴詢野殿中

尉裴虛已大將軍裴修已懷義公裴學士裴諡霍州刺史裴懷

伯仲金吾將軍裴上賢起居郎中裴世節荆州刺史裴世

照工部侍郎裴世舉工部尚書裴恩莊忠公裴仁基京

清河平章事裴世舉工部尚書裴恩莊忠公裴仁基京

揆裴奉先司勳裴外裴少卿裴紹吏部員外裴仲方裴

令儀太子舍人裴齊物少卿裴紹吏部員外裴仲方裴

子少師裴炫連中書令裴武都太守裴天恩中書博學士裴

史裴鴻業永清公裴炎武都太守裴天恩中書博學士裴

天壽墓在永清公裴炎武都太守裴天恩中書博學士裴

刺史裴知禮石州刺史裴大感忠獻公裴光庭交州刺史

史裴鏡民大將軍裴淨論安南都護裴秦行儉冀國公裴

居道太子舍人裴淨論安南都護裴秦行儉冀國公裴

念漢陽令裴有隣懷州刺史裴鳳敏道州刺史裴義墓在

趙村雍州刺史裴崧禮部尚書裴甯機大理正裴邦
基少府卿裴之禮勝州都督裴閏左衛將軍裴公裴幽州
都督裴託著作郎裴元進墓在上呂蘭陵武公裴微
工部尚書裴穎季通卑州刺史裴周南河南府尹裴藏耀河
隸校尉裴藏明太子少師裴藏曜翰林裴南秦州刺史
工曹裴在柳泉中書侍郎裴曜翰林裴南秦州刺史
裴修墓在柳泉中書侍郎裴曜翰林裴南秦州刺史
刺史裴善昌墓在居台祕書監裴黎太中裴允裴振
吏部尚書裴情墓在坡底河東太守裴仲規冀城公
裴伯先濟州刺史裴希仁陳州刺史裴希莊太僕卿裴
運墓在橫水梓州刺史裴銘墓在陰莊在可考者九十三冢
雷衛監察御史裴銘墓在陰莊在可考者九十三冢
又大冢六十有奇碑記六十餘座石人虎四十餘對享
亭一在永青守墳寺二在愛裏裴家寺案志所列九十
世次姑附著之其所云六十餘碑當卽所
據以採列諸墓者惜原石今十不存一矣
中公高士廉墓在霍州庫拔村雲麾將軍燕鸞墓在州南寺

太平記羅縣開國燕伯龍神道碑云唐故雲麾將軍燕鸞

莊

字伯龍卽霍邑人也

舊志作燕繼申公墓碑詳金石記

後唐太祖晉王陵在代州西柏林寺旁有代州刺史李克讓墓昭義節度使李嗣昭墓贈太師周德威墓在陽曲縣西北十五里招討使李存進墓在太原縣鄭村李存孝墓在縣西峪口又西南有太師符存審墓昭義軍留後康君立墓在山陰縣東十里薛鐵山墓在石樓縣東南二十里

代州志晉王李克用墓在柏林寺金天眷中爲寺僧所

發

明一統志天眷初盜發李王陵守墳僧言之郡守守

夢王告曰吾墓有酒盜飲之骨黑色可用此捕之明日獲盜寺元駙馬闕里吉思嘗置守冢二十餘家土人

僧居其半稱爲晉王陵代州刺史李克讓昭義節度李嗣昭墓並

在柏林寺舊志李嗣昭墓正統己巳盜發一孔其內鑿

石爲壙上繪日月星斗下繪各方神像南有一門土瘞

其半鎮守總兵王公信命工修治完固焉

舊志襄垣縣段壁村有嗣

昭墓

後晉駙馬史匡翰墓在太原縣東北皇陵村節度安允信墓在交城縣洪相村魏國公桑維翰墓在浮山縣平盧節度使韓王王建立墓在榆社縣西北四十里沁州刺史郭饒及子延魯墓在沁源縣縣上鎮

太原縣志史匡翰墓在縣北三十里陶穀撰碑

王建立墓碑今

並詳金石記

北漢世祖陵在交城縣北山英武帝園陵在太原縣西山

十國春秋乾祐九年四月葬神武皇帝於交城北山

舊志晉高

祖陵相傳在縣西北六十里近為河水所沒案疑即北漢陵而謬傳為晉者

舊通志太原縣北漢劉氏墓在縣西南三十里天龍谷

中墓額云大漢英武帝園陵

後周樞密使趙玘璠墓在榆次縣南五里太師周密墓在應州東城下莊

舊志有吳孫惲孫謙墓在虞鄉縣五老山下南唐李繼

思墓在太平縣南李村在縣東八里疑其後裔居此所立又後唐宣憲

皇后廢陵在太原縣境舊志廢帝母宣憲皇后魏氏清泰初追尊為皇太后議建陵廢

而石敬瑭拒命乃於後周淑妃舊墓在太原縣近郊太祖

河南府東建立廢宮後周中繼室楊氏卒葬太原近郊廣

事漢高祖於太原天福中繼室楊氏卒葬太原近郊廣

順元年追册淑妃太祖葬高陵世宗詔營陵側為虛墓

以俟顯德元年攻太原開

壁被圍乃遷妃而葬之

宋處士白皞墓在陽曲縣亭子山邢昂墓在太原縣西南十里邢鑑墓在文水縣西城外郎中牛拱辰墓在縣西北八里安武節度使折克行墓在岢嵐州西北三里

陽曲縣志白子西墓在縣西北五十里子西名翱邑人

嘗讀書亭子山沒葬之

案子西有和劉海瞻詩代州壽甯觀脫殼楸詩見元遺山集及

續夷堅志宋天聖間人舊列五代非又名翱志作翱亦非

尙書右丞許翰墓在襄陵縣許留村進士鄭專知墓在洪洞

縣梗壁村元帥南裕墓在縣南二里史緒墓在曲沃常安村

甯智墓在縣東望絳村

鄭專知縣志云名佚專知其官也許翰以下並有墓碑詳金石記

宇文光墓在黎城縣北十五里

宣皇聖母墓在孝義縣王才里參知政事趙昌言墓在縣西

趙家莊狄武襄公青墓在汾陽縣北十里樞密副使王嗣宗

墓在縣西張家莊禮部侍郎裴定墓在平遙縣下西門外又

有裴尙書墓佚其名石嶺關都部署郭進墓在永甯州

舊通志孝義縣宣皇原聖母陵在縣西南六十里按宋

建隆元年八月奉上玉冊諡祖曰簡恭皇帝廟號翼祖
祖妣劉氏曰簡穆皇后舊志書宣皇聖母當係宣祖之
母卽簡穆案志又列劉宣王陵亦在縣西南六十里似爲簡穆皇后之父則宣皇聖母乃簡穆之母
也存以
俟考

崇文院檢討劉義叟墓在鳳臺縣郎中張維則墓在高平縣
野川村大中大夫張宗古墓在縣南義通村轉運使都貺墓
在陵川縣南義門村竇將軍墓在沁水縣竇村一在臥牛山
舊通志劉義叟精算術未病嘗曰吾及秋必死自擇地
於父冢旁占庚穴以語其妻如其言葬之竇將軍哲宗
時以戚畹任屯衛大將軍卒葬竇莊在臥牛山者其子
也

將軍李興墓在永濟縣仙觀里端州刺史孫繼鄴墓在虞鄉

縣南郭村御史大夫裴瑾墓在萬泉縣北二里殿中丞薛儀

墓在榮河縣趙行村

並有墓碑
詳金石記

都監馬輝墓在邈州西南

宣毅指揮使楊素墓在平定州北二里又有判官呂宗禮墓
耿昉墓並在城外狀元魏時中墓進士宋之剛墓王無咎墓
並在樂平鄉工部尙書苗訓墓在孟縣白工城樞密承旨張
崇嗣墓丹徒令侯道濟墓在縣北上文村尙書馬思墓尙書
馬廣墓並在縣北柴莊翰林學士侯士魁墓在社村太尉高
瓊墓在兩貴村

康州團練使呼延贊墓在定襄縣橫山村元帥岳盛墓在靜

樂縣西河溝

呼延贊亦見石
樓縣忠孝村

工部侍郎滕茂實墓在代州東六里高仲遷墓在崞縣西申

村楊興墓在繁峙縣西十五里

舊通志宋使臣滕茂實自篆墓碑九字今已有明人補書及十八代孫季達記楊興代州刺史業子

義門趙甯墓在保德州柏森村集賢校理郭汝翼墓在州南門外都指揮使朱光墓在河曲縣東

舊通志州志有折太君墓在州南四十里折窩村相傳卽楊業妻折德展女也按德展守府州屢敗北漢兵宋乾德中卒而業是時則北漢將也存以備考

司馬世墓在夏縣西鳴條岡天章閣待制司馬池從弟都官郎中沂子大中大夫恩太師溫國公光從子比部郎中諮太常少卿里駕部員外郎宣祔焉

並有碑詳金石記

參知政事薛奎墓在絳州周村檢校太傅趙鎔墓駕部員外

郎趙忠愿墓大理寺丞趙振墓進士趙延墓並在稷山縣胡家莊司理參軍段應規墓在縣西平隴村尙書左丞張觀墓在絳縣東北

節度使高繼嵩墓在霍州高家莊師範墓在靈石縣東尹方村

右唐五代宋

遼節度使沙彥珣墓在山陰縣南沙家寺

大同府志縣南三十里明正德間碣銘爲水冲出

金同知河間府張公著墓在陽曲縣東大石谷咸甯令冀天寵墓在太谷白念都蒲察阿魯台墓在縣東南惠安村廣威將軍郭瑄墓在岢嵐天澗南原

遺山集有張郭碑詳金石記

鎮南軍節度副使張景賢墓在臨汾縣西北內王里河中府

治中唐錫墓在唐城鄉侍郎楊政墓在洪洞縣東二里肖晉
李僉墓在太平縣西南七里禮部侍郎馮延登墓在吉州楊
莊村經略使楊貞墓同知吉州伍禮厚墓並在州西府庫掌
穆御史墓在山陽村屈御史墓在上官坪李元帥墓在川莊
村魯都督墓在魯家原

學士李安墓在襄垣縣合河村評事劉廣墓在潞城縣平順
鄉

進士吳永墓在永甯州東北中和原

狀元李俊民墓在鳳臺縣崔家莊威州刺史武仙墓在縣南
天井關西京留守李晏墓及子襄獻公仲略墓在高平縣城
南翰林知制誥趙可墓在魏牀村節度使張師穎墓在玉井
村狀元陳載墓在馬村劉景元墓在陵川縣東南二里郝晉

卿墓在縣北三里南京路兵馬都總管趙安時墓在縣東仕林莊武氏三狀元墓在縣西三十里蘇村將軍張瑩墓在沁水縣城西

舊志澤州有章宗元如李氏墓

孝子龐整墓在永濟縣南小李村節度張繼祖墓在臨晉縣城子埒村規措使陳仲謙墓在縣北二巖山山有陳氏十墓並存申孝子墓在縣北丁莊村主事麻秉彝墓在虞鄉縣北七里國子監丞陳克基墓在猗氏縣陳程村懷遠大將軍南仲墓在縣西香落村

尙書沈璋墓在大同府城東一百二十里耿光祿墓在府城西二十里清河張翊墓在懷仁縣東下寨村丞相高汝礪墓在應州南接馬峪狀元劉撝墓在渾源州北二十里右丞蘇

保衡墓在州西北七里應奉翰林劉從益墓在州西十七里
翰林脩撰雷淵墓在州西北十五里信武將軍康筠墓在廣
靈縣土嶺村

南京留守判官王師正墓在武鄉縣東新村

宣武校尉耿升墓在平定州城東廟溝集賢侍講學士宋君
和墓禮部尙書楊雲翼墓狀元賈廷揚墓並在樂平鄉城外
行樞密使吳溫墓左監門大將軍吳曼墓承制吳子震墓三
班借職吳子儀墓並在孟縣方山村尙書王普臣墓在縣西
辛莊村河西大將軍陳纖墓在縣北葭池村監軍使趙彝墓
在縣東北巖村

駙馬都尉田顯墓在忻州豆羅村元德明墓左司員外郎元
好問墓在州南韓巖村狀元孫九鼎墓進士孫九疇九德墓

在定襄縣青石村陽曲令周鼎墓在縣南王村薄松年墓在縣東芳蘭村安撫使胡瑋墓在靜樂縣風溝村

侍郎劉復墓在代州西七里戶部尙書楊億墓在五臺縣善泉都戶部侍郎張大節墓刑部侍郎張巖叟墓在縣西紫羅山行尙書掌六部事聶天驥墓在縣南滹沱河上王朴墓在崞縣西北三里

元帥段大亨墓在芮城縣孫村

開國侯段鐸墓段成己墓在稷山縣平隴村御史陳規墓在縣南小窰村李復亨墓在河津縣光德村房居安墓在縣東北午芹村

田忠獻公忠良墓在趙城縣東十五里狀元王綱墓在縣北簡子廟前尙書馬瑋墓在靈石縣西馬家庄

元魏國公馮純墓在陽曲縣北平晉縣尹康庸墓在榆次縣
龍白村杜懷玉墓在縣北中社村胡巨源墓在莊子村孟祥
墓在福堂村將軍常飛虎墓在太谷縣四卦村仵讀郝宗顏
墓在太白村尙書程日新墓在祁縣高村編修趙麟墓在徐
溝縣清德村樞密裴秀墓冀國公郝天挺墓中書省參議張
德輝墓元帥覃資榮覃資用墓並在交城縣城外宣慰謝君
寶墓在縣狐神廟右元帥解義墓在縣西北虎昂山丞相梁
錦陽墓在文水縣李端鎮尙書王雲墓在縣東雲州村李氏
六進士墓在縣東北五里都元帥郭周墓在岢嵐州黃道川
興州判官馬英墓在興縣北

平章王泰亨墓在平陽府城南五里許謙墓在城東十里提
舉張著墓在襄陵縣張相村平章牛光祖墓在縣南東柴村

助教盧希古墓在縣南義村轉運吳著墓在縣西齊村潞公
張翥祖墓在縣西南故關鎮廣元路總管石元亨墓在洪洞
縣東二里千戶楊德明墓在縣南高村彰德路總管郭公墓
處士張守大墓張容墓並在縣城東府判張懷英墓在太平
縣北李村元帥毛貴墓在縣東東張村鎮南大元帥靳和墓
廉訪使靳用墓孝子靳昂墓在曲沃縣曲村里廉訪使李謙
亨墓在縣南二里劉尙質墓在縣東張亭里侍郎楊守則墓
在翼城縣北門外總管郝溫墓在縣西陵下村屈繼平墓在
縣西古澗左丞傅正獻公巖起墓在汾西縣城西一里禮部
尙書吉祥墓在縣城東一里

贈薛公李唐墓在潞安府城東南八里扶風伯馬繼翰墓在
城東北五里提舉王天祐墓在城南宋村知州王守中墓在

城東北桃園里尙書嘉彬墓在城西八里郎中曹志元墓在五龍山尙書董誠墓在西火鎮尙書李惟馨墓在蔭城鎮節度李公弼墓在壺神頭平章宋子貞墓在長子縣東南十五里處士宋思約墓在屯留縣東南五里尙書李執中墓在襄垣縣西王村左丞楊仁風墓在縣南郝家溝廉訪使馬繩武墓在壺關縣北二里祕書張時髦墓在縣南一里

禮部尙書呂沆墓在汾州府城南三里狀元張益墓在城西北三里征行都元帥五路萬戶梁瑛墓四川廉訪使梁天翔墓在平遙縣梁官村河東南北路兵馬大元帥杜豐墓中書參知政事杜思敬墓河東山西道宣慰使杜肯構墓大學士贈晉國公杜宣墓在縣西范洛村鉏宣慰墓在介休縣西北三里延安兵馬總管袁湘墓在臨縣白汶里尙書紀秀墓在

縣北萬安坪韓子忠墓在石樓縣西北鄭允中墓在縣西原
長官段直墓在澤州府城西二十六里廉訪使宋翼墓在高
平縣高良村忠昌軍節度鄭皋墓在陽城縣東南二里潞國
公鄭鼎墓在縣東屯城村澤國公鄭制宜墓在縣南二里尙
書蘇萬初墓在陵川縣東窰莊尙書李廷實墓在縣東南楸
樹窰志又有李昭容墓在楸樹窰云
元貞元年遷入宮中昭容閣
御史中丞何約墓在蒲州府城東北二十里參政裴居敬墓
在城東北十五里翰林智禮華墓在東下村潁川侯陳元凱
墓在猗氏縣陳翟村王廷祥墓在南田村

參政唐卿墓在大同府城東南堂寺前學士許子遜墓在城
東無榆坡宏州種田提舉司李仲璋墓在城東大王村平章
曹立墓在懷仁縣四老溝副使安明本墓在山陰縣東六里

元帥韓浩墓在應州南茹越口左丞李彥古墓在州城東北
集賢學士雷膺墓在渾源州西北十五里都元帥高定墓在
州西南二十里御史孫公亮墓在州西北二十二里侍郎龐
清墓在廣靈縣西馬莊元帥張守中墓同知齊震墓並在縣
城西知州聶仁墓在縣西南加斗村

閻丞相墓在朔州馬邑鄉吳莊侯其名志又云鄭河古墓不
知世代土人掘黃鼠見穴內
有磚崇堂深數十丈不
敢深入亦無誌石可考

遼州長官劉恩墓在州南桐峪村武略將軍劉義墓在州東
南莊村遼山令樊海墓在州西南百戶樊楫墓在州北突隄
村學士呼延伯起墓在榆社縣東二十里學士王國賓墓在
縣南韓村御史梁宇墓在縣南白莊又縣西方山之南有湯
相公墓石羊遺跡存
天水侯趙國寶墓在沁州東山村總管閻士謙墓在武鄉縣

故城鎮

州帥聶珪墓在平定州西南二里工部尙書郭裡墓在州東
南二里瑞州總管傅顏墓在州東鳳渠口元帥牛鐸墓在州
南白產頭左丞呂思誠墓在州北二里集賢學士宋超墓孝
子胡彪墓在樂平鄉節度副使喬世權墓在孟縣喬家莊榮
祿大夫吳子厚墓安遠大將軍吳琇墓在縣南方山村都元
帥陳傑墓大將軍齊整墓在縣北葭池村大將軍趙鑑趙鐸
墓在縣北興道村參知政事侯德川墓在縣東皇后村侍郎
張彥清墓在李莊白文明墓在侯村高安墓在南寨村學士
劉仲遵墓在縣西南郭村
元帥畢威墓在忻州東雙堡太原府副元帥周獻臣墓在定
襄縣南王村九原府元帥張安甯墓在邢村九原府總管姚

榮墓在縣東古城外元帥樊天勝墓在沙村軍民鎮撫李子敬墓在中霍村尙書甄有墓在東王村廉訪司僉事王廷佐墓在靜樂縣北門外阿只吉大夫墓在縣北永安鎮

堅州長官元帥劉會墓在繁峙縣宋峪村元帥王兆墓在縣

東中莊村奉議大夫殷珍墓在縣西東莊村奉禮郎趙惟賢

墓在崞縣黃珥村又有銅川有李元帥墓合河村有祁元帥墓名未詳俟考

天水郡伯狄元昌墓在保德州西莊村御史王友賢墓知

州王友聞墓中書吏部尙書王永淵墓在州南沙平梁一云下流

翰林學士李謙墓在州南泰卯寨總管張誠墓在河曲縣

得馬水村穆存亨墓在縣南朱家村

河東郡公伯德那墓在解州曲范村平章政事察罕墓在州

北十五里宣撫司儀肅墓在州西北二十里集賢學士歸暘

墓在夏縣西餘慶禪院左側臺亨墓在縣西北孝子靖與僧墓在平陸縣高平村

撫州路總管張仲儀墓廉訪使李思敬墓在絳州城北五里萬戶孔銘山墓在州西南十五里雲中郡公忽神墓在聞喜縣東鎮鎮西帥史遷墓在河津縣干澗村府尹姚天福墓在稷山縣潞村編修王遵道墓在絳縣北謝村

舊志太師魯國忠武王木華黎墓在聞喜縣喬莊

案元史本傳王

渡河至聞喜疾篤志載其墓存以俟考

隰州知州韓昇墓在州北五里萬戶府張亨墓在蒲縣西北隴西伯李榮祖墓在霍州靳壁村忠義公邢飛翰墓在州西白龍村文靖公徐毅墓在趙城縣石門里元帥溫舜墓在靈石縣溫家溝進士喬世綱墓在縣東尹方村

明晉愍王莊王靖王懷王墓在太原府城北劉莊惠王墓在
城北光社村恭王端王簡王敬王墓在城東南駝山甯河懿
簡王墓在城西甯文村廣昌悼平王墓在城北尹家溝方山
莊憲王墓及臨泉莊簡王墓在城南狄村靈邱簡靜王墓在
城北谷旦村甯河康僖王安憲王溫簡王榮莊王恭懿王定
惠王河東昭靖王義甯榮康王新化恭裕王墓在城北新店
村河東悼襄王墓在城南馬莊襄陰安惠王墓在馬莊東新
化安溪懷僖王墓在城北澗村靖安康僖王墓在白楊樹村
靖安恭懿王墓在城東北十里旌德懷安王墓在城東開馬
村榮澤安懿王墓在城北南窰村

舊志晉恭王妃享堂在府城東北二里許長春公主墓

在城西北屯村南王村

原案云相傳永樂女並駙馬葬
所成祖七女無長春而明制公

主駙馬胥陪陵其
葬陽曲傳疑可也

刑部尙書周瑄墓在陽曲縣西禮部尙書周經墓在縣西裴
村御史贈太常卿張文明墓在縣東一里順天府尹萬自約
墓在縣北光社村御史薄彥徽墓在北山頭工部尙書王永
壽墓在太原縣風谷山御史王鑑墓在縣西南索村吏部尙
書王瓊墓在縣西北蒙山侍郎寇天敘墓祭酒閻樸墓在榆
次縣西北一里御史周鈇墓在縣南尙書褚鈇墓在縣西南
修文村副使陳璧墓在太谷縣南副使閻睿墓在祁縣會善
村布政戴光啟墓在縣東南王斜川給事中常泰墓在徐溝
縣東門外順天府尹王福墓在清源鄉給事中解一貫墓在
交城縣坡底村知州解一經墓在城東一里參政王在臺墓
在文水縣北十里永城知縣贈光祿寺丞王鼎墓在岢嵐州

東二里

晉王濟塋墓晉定王墓在平陽府城西北三十里交城榮順王墓西河靖恭王墓在城東二十五里高平懷閔王墓在城南二十里襄陵縣東扈村戶部尙書張潤墓在城西十五里侍郎邢讓墓在襄陵縣南三十五里忠節高邦佐墓在縣南東柴村侍郎李瑾墓在縣南司馬村兵部尙書韓文墓在洪洞縣東十里參政劉守仁墓在縣東北四十里布政陳敬墓在浮山縣北十五里侍郎王體復墓在太平縣南五里贈光祿少卿楊天民墓在縣東十五里尙書李浩墓在曲沃縣南莊尙書李尙志墓在縣東二里通政王錫墓在翼城縣東辛莊布政王泰墓在縣東仵級村贈太僕少卿閻生斗墓在汾西縣東一里郎中陳維藩墓在吉州北原給事中丁汝謙墓在行平

村吏部郎中王與齡墓經略鄭崇儉墓並在鄉甯縣東二里
案王與齡實寄葬府城東南縣東乃其兄
培齡墓俗呼郡馬墳舊志偶訛附訂正

潘簡王墓在潞安府城南鳳凰山自康王以下胥葬此又有
稷山悼靖王墓在城南三十里沁源恭定王墓在城西步馬
村黎城昭僖王墓在城北二十里沁水悼懷王墓在城西南
三十里平遙靖僖王墓在城東北柏谷村定陶王朱珪塋墓
在堠西莊鎮國將軍朱銓鉢墓在城西五里朱銓鉞墓在城
南五十里輔國將軍朱勛泮墓在城西北寨村尙書暴昭墓
在城西羊堡村郎中趙泰墓在城西北岡光祿卿任環墓在
城東北白堠村巡撫朱守約墓在五馬村尙書邵光先墓在
城南尙書程正己墓在城北堠北莊西平知縣王汝弼墓光
祿寺丞李昱墓在城東五里四貞墓在城東南西火鎮尙書

栗恕墓侍郎阮勤墓在長子縣城西巡撫李尙智墓在屯留
縣蓮花岡御史連楷墓在襄垣縣東畛村尙書劉龍墓在縣
東北蘭家塚四輔杜敷墓在壺關縣林青村

慶成莊惠王墓在孝義縣西十二里永初昭定王墓在縣西
三十里慶成恭僖王墓在汾州府城西二十里溫穆王墓端
順王墓恭裕王墓在孝原里安穆王墓在宋處里其悼僖王
墓亦在孝臣里永和王美塢墓在洪西里順僖王墓在小相
里榮懷王墓在池定里安簡王墓莊定王墓在太平里恭懿
王墓在三泉里靖惠王墓在羅城里孝子劉仲原墓在董師
村河南布政孔天允墓在城北美人廂澠池知縣范道行墓
在平遙縣南門外趙氏三孝女墓在縣東梁村兵部尙書霍
冀墓在孝義縣北一里延綬巡撫張珩墓在永甯州西于家

店戶部尙書王文賢墓在甯鄉縣

舊志永和莊惠王母劉氏墓在偏店村

晉恭王妾也從子就封

又

慶成莊惠王唐妃墓在縣西吐京村

宣甯簡莊王墓和僖王墓恭安王墓康靖王墓昭榮王墓溫簡王墓並在澤州府城東大嶺村隰川懿安王墓恭僖王墓莊隱王墓康肅王墓莊惠王墓並在城東北原尙書侯璉墓在府城西侍郎孟春墓在金剛嶺行人孟陽墓戶部侍郎張養蒙墓尙書裴宇墓並在太陽鎮詹事劉虞夔墓在高平縣龐村僉事楊暄墓在縣城西北兵部尙書原傑墓在陽城縣下交村巡撫楊繼宗墓在縣南十五里尙書衛一鳳墓在縣城北岡上吏部尙書張愼言墓在縣東屯城村太僕卿張瓚墓在陵川縣魏家莊戶部尙書李瀚墓在沁水縣富店村工

部尙書劉東星墓在坪上村太子少保張五典墓在馬家坪
山陰康惠王墓在蒲州府城北文學村襄垣恭襄王墓在城
東孟盟橋尙書楊守禮墓在城南太傅楊博墓在城南玉莊
太保王崇古墓在城東義峪原太師張四維墓在城南風陵
鄉戶部尙書楊俊民墓禮部尙書孟時芳墓在城南陳村侍
郎張廣墓首輔少師韓爌墓在城東盤底村總督三邊王之
采墓在城南三家店河南巡撫荊州土墓在臨晉縣南二里
兵部侍郎李樓鳳墓在縣西十里副使姚昌祚墓在縣北二
里副都御史何東序墓在猗氏縣陳苑屯甘肅巡撫荊州俊
墓在縣東黃岡景村副都御史袁泰墓在萬泉縣烏蘇村贈
大興知縣黃連墓在黃家村巡撫賈仁元墓在張戶村通政
使蔡瑄墓在榮河縣南三里

代簡王墓悼戾王墓隱王墓在大同府採掠山惠王墓思王墓在府東馬舖山懿王墓昭王墓恭王墓定王墓亦在採掠山侍郎王從義墓在城西北陳家莊贈都督同知林椿墓在城西殉節儀賓王爾揚墓在懷仁縣巡撫成文墓在山陰縣北四十里巡撫郭登庸墓在縣南沙家寺太保王家屏墓在縣西北河陽堡尙書石瑁墓在應州羅家里布政孫逢吉墓在渾源州東北二里侍郎張俊墓在靈邱縣東北五里侍郎齊韶墓在廣靈縣西北十里贈光祿寺丞李景墓在縣城北都督僉事馬芳墓在縣東北中焦山村將軍曹安墓總兵李東陽墓在陽高縣西山總兵張萬邦墓在縣北開山口副使薛綸墓在天鎮縣東筆峰山贈光祿丞安懋修墓在縣東北

福祿山

都御史孫祥墓在朔平府南酸茨河村征西將軍李瑾墓將軍李明墓在府城東都督麻貴墓在府城南吳孝子墓在朔州東八里通政霍瑛墓兵備張名世墓在馬邑鄉提督張軌墓在左雲縣北十里都督張鵬墓在縣西五里忠愍公李梅墓在平魯縣東八里征西將軍劉漢墓在縣東南十里提督馬舉墓在縣西三十里

周忠武公遇吉墓在甯武府城東關河外原上總督萬世德墓在偏關縣賀家梁

前軍都督斷事高巍墓在遼州桃園村光祿卿楊于楷墓在州東南岡戶部尙書王佐墓及于都御史王雲鳳墓在和順縣虎峪口布政常顯墓在榆社縣北三里御史常經墓常在上墓並在縣北

通政趙彝墓在沁州北二十里宣大總督魏雲中墓在武鄉縣陽城村湖廣巡撫魏光緒墓在縣南一里雙忠墓在縣南

白家窰

志云防守張一能百總征克殺賊庫人斂瘞此

刑部尙書耿九疇及子吏部尙書裕墓在平定州重興坡侍郎楊思忠墓在州東鳳居口侍郎喬毅墓在樂平鄉長壽山吏部尙書喬宇墓在鄉南洪水村工部侍郎張琦墓在孟縣溫池村

安定悼隱王墓在忻州西七里鎮國將軍朱俊樸朱俊楮朱聰潛朱聰濂墓在州西九原岡刑部尙書董芳墓在州東雙堡戶部侍郎姜濟墓在州東北解村光祿卿雷澤墓在定襄縣張村給事中喬光大墓在牛臺山祭酒傅新德墓在高長村都御史王希曾墓在靜樂縣樓煩鎮

舊志州北河管村有晉恭王夫人范氏墓又有王長子墓不詳其名

巡撫弋謙墓在代州北關外都御史趙文博墓在州西北二里巡撫王夢弼墓在州西段家河禮部侍郎齊麟墓在五臺縣南關外兵部侍郎劉寅墓在崞縣西戶部尚書梁璟墓在縣北十里

都督姜名武墓在保德州沙平堰經略陳奇瑜墓在故城戶部侍郎趙欽湯墓在解州南扶里延綏巡撫李春光墓在州南二里學士張芮墓遼東巡撫張岫墓在安邑縣運城西北工部尚書楊一魁墓總督三邊劉敏寬墓在運城東五里左都御史曹于汴墓在城西北五里工部侍郎藺芳墓在夏縣上王里編修王翰墓在縣西東許村御史劉翀墓在平陸

縣東二十里江西巡撫任養心墓在芮城縣安太村刑部尙書王紀墓在縣東北五里

靈邱榮順王墓在絳州許周村僖靖王墓在泉掌鎮莊和王墓端懿王墓康悼王墓在州西十五里悼懿王墓懷僖王墓在龍泉村侍郎高鐸墓在州北五里尙書韓重墓尙書陶揆墓在州北三里侍郎孫光祐墓在磨頭村延綏巡撫張守中墓在聞喜縣峪里順天巡撫翟繡裳墓在西韓村學士文清公薛瑄墓在河津縣平遠村布政梁綱墓在稷山縣北五里操江都御史趙載墓在垣曲縣陳村

懷仁榮定王墓在霍州趙城縣師屯村安僖王墓在州東賈孟村恭和王墓溫惠王墓在州東河壁村贈光祿寺卿忠節公任光裕墓在州東靳壁村

右遼金元明

國朝

諭葬諸墓

提督馬瑀墓在陽曲縣

甘肅提督莊節公馬全墓在陽曲縣

貴州提督毅節公牛天昇墓在太谷縣

湖廣總督勤毅公胡全才墓在文水縣北七里

太子少保河道總督勤恪公喬松年墓在徐清縣

協辦大學士吏部尚書文定公孫嘉淦墓在興縣

江南巡撫王師墓在臨汾縣刀窩莊

兵部左侍郎劉秉恬墓在洪洞縣蘇堡村

東河總督劉勳墓在洪洞縣尹壁村

工部尚書楊義墓在洪洞縣內坦村

提督壯愷公吳秀墓在襄陵縣

大學士文清公衛周祚墓在曲沃縣西北五里

尚書巡撫陝西賈漢復墓在曲沃縣堰底村

河道總督蘭第錫墓在吉州

太子太保總督清端公于成龍墓在永甯州橫泉村

江蘇巡撫于準墓在永甯州來保村

大學士文貞公陳廷敬墓在鳳臺縣樊山嶺

工部侍郎王廷揚墓在鳳臺縣常村

浙江巡撫田逢吉墓在鳳臺縣宰家壇

刑部侍郎李藻墓在高平縣龍嵕山

兵部右侍郎李棠馥墓在高平縣城北

兩廣總督恭恪公祁墳墓在高平縣孝義村

刑部尚書白允采墓在陽城縣水磨頭村

刑部左侍郎田六善墓在陽城縣窰子頭

刑部左侍郎張爾素墓在陽城縣郭峪

陝西巡撫張琿墓在陽城縣潤城村

浙江巡撫張泰交墓在陽城縣墳頭灘

文華殿大學士文端公田從典墓在陽城縣北山

戶部左侍郎杜時萼墓在永濟縣祁家莊

湖北巡撫崔紀墓在永濟縣潘侯村

九江鎮總兵馬濟美墓在永濟縣常家莊

巡撫衛既齊墓在猗氏縣

兵部尚書賈仁元墓在萬泉縣張戶村

總兵高鼎墓在大同縣黨家莊

總兵史成墓在大同縣東倉坡

贈提督勇烈公任舉墓在大同縣水泊寺

河道總督恭勤公栗毓美墓在渾源州東二里

贈太僕寺卿馬景墓在渾源州東南二里

總兵穆生輝墓在天鎮縣北五里

侍郎田喜霖墓在朔州司馬泊村

大學士文端公吳璥墓在沁州徐村上莊

侍郎程啟南墓在武鄉縣南六十里

大學士文端公祁寯藻墓在壽陽縣平舒村

東河總督馮曾祚墓在代州陳家莊

湖南巡撫馮光裕墓在代州煙旺村

贈太僕寺卿徽甯池道馮志沂墓在代州狼洞溝

禮部左侍郎王尹方墓在安邑縣運城北三里

大同總兵張自興墓

廣東提督張起雲墓並在大甯縣

山西通志卷五十六